

# GOUE VERGADERINGS – OP DIE NOU WEG



**4de Uitgawe**

Yeshua het aan Roy gesê:

My aarde / My mense / My weë / Plant baie / bowenal plant My Liefde /  
Sê vir hulle dat Ek elke oggend met hul wil vergader / Ek wil adviseer / sê  
vir hulle daar is 'n sekere manier om dit te doen want Ek is heilig / Dit is  
nie uitwisbaar nie / sê vir hulle dat Ek wag / wag om met hulle te  
vergader... 17 Januarie 2014

(Artikels geneem vanuit die Take His Heart webwerf.)

**Take His Heart to the world Ministries**

[www.takehisheart.com](http://www.takehisheart.com)

P.O. Box 532

Wellington, Kansas 67152

Gratis Boek  
Nie te Koop



## GOUE VERGADERINGS – OP DIE NOU WEG



3. 'n Vergadering, Goud van aard!
5. "Ek gee aan julle grense sodat julle My kan vind!"
9. Yeshua is die Vergadering
10. 'n Brug om oor te gaan!
11. Hamer dit aan die deurposte sodat dit lewendig word!
15. Eenvoudige Moenies en 'n Moet!
16. Agter Yeshua se hart
17. Gehoorsaamheid sonder "Eie ek of ego"
23. Getoets soos Goud
24. Hoof Bevelvoerder
28. Wat sal dit verg?
30. Yeshua het gesê: "Smelting!"
33. Smelting - Stilte
39. Militêre Eenhede
41. Die Heer van die Boek van Openbaring
43. Individuele/Korporatiewe Goue Vergaderings
46. Oordeelsvergaderings – Kroon Yeshua as Koning!
50. Kits begingids vir 'n "Oordeelsvergadering"

Voor ons begin met Yeshua, wat 'n groot prent skets (*met behulp van baie klein prentjies*) oor vergaderings en heerskappy, moet gelet word op wat Hy jare gelede aan Roy Sauzek geopenbaar het. Dit was toe Hy met hom begin praat het oor die huidige bestaan van die Getroude Bruid op aarde, menende: ***mense sal inderwaarheid op straat verbyloop by iemand wat deel van die Vleklose Getroude Bruid is, sonder om dit te besef.*** Baie mense het destyds by Yeshua en/of die dissipels verbygeloop en nie 'n benul gehad wie hulle werklik was nie! Jy kan jou Roy se gedagtes voorstel, omdat hy nie veel van enigiets oor die vleklose bruid verstaan het nie!

Die vleklose bruid sal op 'n sekere tydstip baie sigbaar word op aarde, maar ons moet verstaan dat die meeste mense haar nie sal sien vir wat sy is nie, veral in die vroeë fases van haar manifestasie.

Omdat ons praat van vergaderings, moet ons onthou dat dit die aksies van 'n vrou is wat bepaal of sy 'n bruid of 'n hoer is. Die drie *hoof vlekke* wat Yeshua openbaar het aan Sy aardse liggaam, het alles te doen met aksies. Dus delf ons nou in die aksies en gesindhede, beide individueel en in groepsverband (korporatief), wat van ons 'n hoer of vleklose bruid teenoor Yeshua maak.

## Die eerste van Yeshua se prentjies:

Toe Yeshua die belangrikheid van aantekeninge in vergaderings begin beklemtoon het, het Hy vir Roy 'n naggiesig (droom) gegee van 'n werklike situasie: 'n Man vir wie Roy jare lank geken het, het as gevolg van ouderdom en swak gesondheid na 'n ander dorp getrek, sodat sy dogter kon help met sy versorging. Hy het die kerk besoek waarin Roy grootgeword het.

*Ek was besig om te kyk hoe die man trek. Hy het na my toe gekom en begin praat oor sy kerk, die een waarin ek grootgeword het. Ons was besig om 'n gesprek te voer toe hy skielik sê: "Ek hoop hulle verander hul byeenkomste!" Ek het gevra: "Hoekom?" Hy het geantwoord: "Omdat hulle niks doen nie!"*


Roy sê hy onthou nog 'n kersfeesprogram wat hy in die verlede in daardie kerk meegemaak het. Die program was heel goed wat die mens se standarde aangaan, maar in die middel van die byeenkoms het die Heilige Gees met hom begin praat. Hy onthou nie alles wat vir hom gesê was nie, maar dit was genoeg om hom te laat huil. Hy het daardie mense geken en hulle was 'n groot deel van sy vroeëre lewe. Sommige was geesvervuld; hy het geweet hulle het Yeshua lief en het beslis Sy stem gehoor. Hy moes op 'n stadium ophou om na die Heilige Gees te luister om nie openlik te begin huil nie. Wat het Hy gesê? Roy kan nie alles onthou nie, maar hy onthou baie duidelik die volgende:

**"Ek is lief vir hierdie mense! Ek wil in hulle daaglikse lewens wees! Ek wil hê dat hulle MY ken! Ek wil in hulle byeenkomste wees!"**

Jare gelede, toe Yeshua vir Roy hulle as 'n groep (korporatiewe liggaam) bymekaargebring het, was een van die dinge wat hom verbaas het, dat Yeshua geïnteresseerd was in die formaat van hulle vergaderings. Hy het gesê: **"Ken die doel van elke byeenkoms."** Op daardie stadium het hulle almal hul eie idees gehad van wat Hy bedoel het, maar deur die jare het Yeshua deurlopend vir hulle meer gegee: hier 'n bietjie, daar 'n bietjie – oor hoe om vergaderings te hou wat welgevallig was vir Hom. Ons praat hier van 'n byeenkoms as 'n Vleklose Bruid, nie as 'n hoer nie. Ons praat van om onder die **Koningskap van Yeshua** bymekaar te kom, wat ver van enige demokrasie verwyder is, m.a.w. sonder om 'n opinie, 'n stem of 'n gawe te hê. Ons praat van hoe 'n korporatiewe liggaam (groep) intiem kan word met Yeshua. Ons praat van Yeshua wat die byeenkoms lei en dit is meer as om die teenwoordigheid van die Heilige Gees te hê. Yeshua moet in ons vergaderings die Hoof wees. As Hy nie toegelaat word om die Hoof te wees nie, lei of heers Hy nie as die Hoof van die gemeente nie!

## ‘n Vergadering, goud van aard!

Toe Yeshua vir Roy begin inspireer het om ‘n byeenkoms by *West Point Academy* in New York by te woon, het Hy vir hom ‘n naggesig gegee. Dit het getoon dat die byeenkoms goud was, maar dat dit iets kortgekom het. Dit het gelyk soos ‘n goudkleurige A4 papier met ‘n onvolledige huisplan daarop geteken. Roy het dit aanvanklik nie geweet nie, maar Yeshua het bevestig dat dit wel ‘n **onvolledige** huisplan was. Die toneel het bevestig dat hy dit moes bywoon. Omdat die toneel goud was het hy geweet dat dit te doene het met die Nou Weg na die huwelik van die Lam; tonele wat Yeshua by hierdie inligting ingesluit wou hê (vir Sy doeleindes).



Hoekom sou Yeshua aandag wou vestig op die goud van ‘n spesifieke byeenkoms? Een rede was dat die byeenkoms en die doel daarvan op SY kalender van gebeure was. Hier volg ‘n uittreksel uit “[Onbekende waters](#)”, wat volledig in ‘n vorige boek in die reeks geplaas is. Dit is ‘n Woord van Yeshua af:

*“...O, dat julle My stem sal hoor, uit die fontein van ‘n pen. O, dat julle die klank van daardie fontein sou kon hoor. Kan julle hoor? Is Ek nie Yeshua nie? Ek sê: “Kom!” Ek roep jul na My weë en My kalender van gebeure. “Die kerk in die wêreld het sy kalender en Ek het Myne. Party kerke het hulle kalender op My Woord gebasseer, tog maak hul foute. Selfs hulle wat gawes van My ontvang het, het hul eie kalender, maar Ek is Yeshua en Ek het Myne. Ek openbaar My kalender stap vir stap. Hulle wat My weë leer ken en My kalender opspoor, sal op die vlerke van ‘n voël in vlug wees na oorwinning saam met My. Ek het die Weg ontwerp. Dit is Ek, dit is Waarheid, dit is Liefde, dit is My patroon, dit het My doelwit. Weet dat My kalender bly. Tyd is kort. Kom na vore, Bruid!...”*

Voor die New York byeenkoms was Yeshua ook besig om vir Roy hulle by *Take His Heart* te leer oor oordeel en boetedoening. Roy het eindelijk beseft dat iets deur hulle as verkeerd beoordeel moes gewees het, voordat hulle kon boete doen daarvoor. In hierdie geval was dit die VSA. Roy hulle moes by West Point opregte berou vir die VSA doen. Oorlogvoering gelei deur die Gees van YHWH en die ritueel van die neerlê van die VSA vlag aan die voete van Yeshua, was alles deel van die boetedoening wat Yeshua beveel het. Dit moes gebeur vir die VSA by West Point. Roy hulle het nie bymekaar gekom om net ‘n dag van versoening te erken of te huldig nie, maar om werklik boete te doen volgens Yeshua se wil en instruksie. Toe Yeshua vir Moses die inligting gegee het rondom die feesdae, het Hy spesifieke instruksies ingesluit oor wat die mense sou moes doen. Ons moet dit begryp ten einde te bepaal of ‘n byeenkoms as hoerery of as goud beskou word deur Yeshua. Hy sê vir ons spesifiek wat om te doen in enige byeenkoms/vergadering.

Die lê van die vlag by Yeshua se voete het nog 'n deel openbaar van waarom daardie byeenkoms as goud uitgewys is. 'n Bruid is 'n medewerker saam met haar man en ons is medewerkers saam met die Messias – om Sy opdragte uit te dra na die aarde, volgens Sy instruksies soos gegee deur die Heilige Gees. As hulle destyds saamgekom het om daardie dag op Yeshua se kalender te vier en net gedoen het wat hulle gedink het hulle moes doen, sou van die planne uit die toneel weg gewees het.

Vanuit *Onbekende Waters*: *"Die kerk in die wêreld het sy kalender en Ek het Myne."* Op 22 Julie 1989 het Yeshua vir Roy hulle se groep gesê: *"Ek sal meebring dat julle wandel in My verordeninge en oordele."* Paulus die apostel het geleer dat ons die geregtigheid van die Wet moes volbring. Net nog een duidelike rede waarom Yeshua die byeenkoms by West Point as goud van aard sou uitwys. Roy hulle het in 'n verordening van YHWH gewandel, terwyl hulle Hom te midde daarvan gehoorsaam het. ***Ons as gelowiges is veronderstel om al die Hebreeuse feesdae te onderhou, soos in die Bybel vermeld!*** (Hierdie dinge was vreemd vir Roy hulle wat groot en oud geword het in Pinkster kerke.)

Almal wat by die West Point byeenkoms teenwoordig was moes Yeshua dien; geen persoon daar teenwoordig het sy hande aan die byeenkoms geslaan en dit sy eie gemaak nie. Daar was geen agenda of lys van gebeure wat moes plaasvind nie, behalwe Yeshua s'n. Stap vir stap het Yeshua hulle gelei in wat hulle moes doen.

Moses het geweet dat hy gebruik sou word om Israel te verlos, maar hy het niks geweet van al die kleiner gebeure wat sou plaasvind terwyl hy deur die proses gaan nie. Dit is dieselfde met Yeshua se vergaderings. Dit is waarom Yeshua die byeenkoms by West Point as goud van aard uitgewys het, al was dit onvolmaak.

Yeshua het egter getoon dat daar iets ontbreek het in die prentjie van die goue byeenkoms (vergadering). Roy het aanvanklik gedink dit sou eenvoudig wees. Byvoorbeeld, dat Yeshua wou hê dat hulle na die vergaderings moes gaan en die "Sake van die Gees" meebring deur die VSA se vlag aan Sy voete neer te lê en sodoende Sy agenda te voltooi. Roy weet nou dat dit nie korrek is nie. In die volgende afdeling sal jy 'n prent sien van dinge waarvan niemand geweet het tydens die vergadering by West Point nie. Yeshua het die prent gebou soos Hy hulle deur gebeure daardie dag geneem het.

Ek het genoem dat Yeshua vir Roy gesê het: ***"Ken die doel van elke byeenkoms."*** Dit is so maklik om ons eie agendas by 'n vergadering in te voeg. Roy sê byvoorbeeld dat hy opgemerk het dat hulle geneig was om bloot vorige vergaderings te dupliseer. ***Yeshua openbaar die doel van elke vergadering, deur "die Sake van die Gees", beide voor die vergadering en daartydens.***

Uit Onbekende Waters: “Selfs dié aan wie Ek gewes gegee het, het hulle eie kalender, maar Ek is Yeshua en Ek het Myne. Ek openbaar My kalender stap vir stap.” Yeshua het ‘n agenda (‘n kalender van gebeure) vir elke vergadering wat Hy byeenroep en dit mag dalk nie die werking van almal se onderskeie gewes of roepings insluit nie.

## **"Ek gee aan julle grense sodat julle my kan vind!"**

Toe Roy by ‘n byeenkoms in New York was, het hy iemand hoor sê: “Yeshua gee vir ons grense sodat ons Hom kan vind.” Dit het hom diep getref en soos jy verder lees sal jy sien hoekom.

Roy hulle by Take His Heart het basies drie tipes vergaderings per week: Vir **(1) gebed, (2) oase** en wat hulle noem ‘n **(3) bedieningsvergadering of kerkbyeenkoms**. Dit impliseer nie dat almal se vergaderings identies aan hulle s’n hoef te wees nie, want Yeshua lei elke groep volgens Sy agenda. Maar wat belangrik is, is die basiese riglyne wat Yeshua openbaar het van hoe Sy vergaderings of byeenkomste behoort te funksioneer. Hy is die Hoof en Hy het die agenda. Ons is net die *uitvoerders* van Sy agenda – niks meer nie en niks minder nie! Om mee te begin, kom ons praat oor die **Gebedsvergadering**.

Die groep by Take His Heart was oorspronklik vertel dat posisies in daardie vergadering aangedui sou word en hulle het intussen begryp dat posisies beslis aangedui word deur, of vanaf die Heilige Gees of die Rivier van Lewe. Onthou, Yeshua het gesê: **"Regering kom met die Rivier af!"** Dit moet, want die Regering rus op Yeshua se skouers en die Rivier van Lewe kom van Hom af! Die gemeente moet leer hoe om Yeshua die vergaderings te laat lei en te laat instel! **Jesaja 9:5** *Want ‘n Kind is vir ons gebore, ‘n Seun is aan ons gegee; en die heerskappy is op sy skouer...*

Die groep is vertel dat gebedsvergadering die kern is van enige iets. Die patroon wat Yeshua eerste aan hulle gegee het, was om ontslae te raak van “die dinge van die wêreld” en dan Hom te nader vir Sy agenda. Hulle het gemurmureer! Hulle het gedink hul plaas bindings op mense omdat hulle almal gewoon was daaraan om te bid oor siek mense en ander wêreldse sake.

Wat Yeshua hulle probeer leer het, was hoe om Hom die absolute Hoof van die gebedsvergadering te laat wees, sodat Hy kon regeer. (Hy het ook begin om die groep uit hulle verskuilde oortuigings te haal.) Hulle is vertel dat hulle aan die begin van die vergadering vir mekaar behoort te bid, deur te vra vir “ore om te hoor” en “oë om te sien” wat die Heilige Gees het om te openbaar. As ‘n spesifieke persoon ‘n probleem ondervind het om die “dinge van die wêreld” af te skud, kon hulle bid vir daardie individu, maar daarna moes hul dan soek na Yeshua se agenda. Alles hiervan is om te arriveer by Yeshua se agenda. Elke persoon moet in staat wees om totaal aan die Heilige Gees oor te gee; om gelei en gebruik te word deur Hom sodat Yeshua se agenda na vore kan kom.

Jy moet “Sake van die Gees” ontvang om Yeshua se agenda te kan kry, soos die vestiging van posisies, rigting, waarheid en die geboorte van bedienings. Die volgende is ’n woord wat hulle groep jare gelede oor vergaderings ontvang het:

3 Maart 1998

"Ja, Ek is entoesiasies oor julle bereidheid en gehoorsaamheid. En ja, Ek lei en rig julle. Dit is My begeerte dat julle saam vergader soos wat jul doen; nie slegs eenmalig, maar 2 of 3 keer. Ja, Ek het julle uitverkies. Ja, julle is elkeen geroep. En wanneer julle vergader, gee Ek elkeen van julle verskillende dinge, maar hulle is almal van dieselfde Gees. Dus, wanneer julle saamkom, laat elkeen bring wat hy het sodat dit bymekaar gevoeg kan word en sodoende gesien kan word wat die groter prent is.... **En Ek sê aan julle wanneer julle vergader, laat elkeen se verstand en hart helder wees....**

Dit is waarom ons moet bid vir hulle wat probleme ondervind – om hul verstand helder te kry, sodat hul in staat kan wees om Yeshua se agenda te soek!

As ’n kantaantekening het hulle groep gewoonlik gebid vir diegene wat deel van die groep was, maar wat nie teenwoordig was by die vergadering nie. Hulle het uiteindelik besef dat hul dit nie moet doen nie, omdat hul net moet bid vir hulle wat teenwoordig is. Want diegene het ore om te kan hoor en oë om te kan sien nodig vir wat Yeshua wil openbaar in daardie vergadering op daardie spesifieke tydstop. **En Ek sê aan julle wanneer jul vergader, laat elkeen se verstand en hart helder wees....** Dit gaan ook daarvoor om nie te wandel in ons eie siel nie, nie ons eie agenda te hê nie! Dit gaan alles oor die dien van Yeshua en om Sy agenda te bekom, niks anders nie. Hy het die plan en die oorwinning en ons moet Sy plan ken om te kan deel in Sy oorwinning!

Toe Yeshua eers met Roy die gebedsvergaderings bespreek het, het Hy hom gewys dit is soos om na die vergadering van die direkteure van ’n maatskappy/korporasie te gaan. Mense sit om ’n tafel, sonder dat veel gebeur, totdat die president opdaag. Hy beheer die agenda. (Yeshua is die ‘President’.)

Hulle het toe begin deur basies dit te doen: Hulle het ’n kort (stil – behalwe vir gebed) tyd aan die begin van die vergadering sodat mense ontslae kan raak van die “dinge van die wêreld” en vir mekaar kan bid. Dan het hulle korporatief (as groep) Yeshua se agenda gesoek en gereageer op daardie “Sake van die Gees”. Nadat dit geblyk het dat hulle klaar is met Yeshua se agenda, mag individue gebedsversoeke na die groep toe bring. Dit is eenvoudig en dit laat Yeshua lei en die Hoof van die vergadering wees. (Die Skrif sê Yeshua is die Hoof van Sy gemeente!)

Maar die gemeente moet leer hoe om waarlik vir Yeshua die Hoof te laat wees, deur te weet wat Hy verlang, deur **aksies** eerder as lippediens.



Om Hom waarlik Koning te maak is 'n aksie en nie net woorde nie. Roy was gewoon aan byeenkomste met hulle eie agendas, sonder dat Yeshua die Hoof van die byeenkomste was. So 'n vergadering is inderwaarheid hoerery!

Ons sal tot hierdie prent toevoegings maak, maar eers sekere inligting oor die ander twee vergaderings:

**Die (2) Oase vergadering** bestaan uit ongeveer 'n uur van sang, geïnspireer en gegee deur die Heilige Gees, vir die doel om Yeshua te dien en aan die hemele uit te basuin wie Hy is. In hierdie vergadering **vra hulle niks van Hom nie!** Hulle loof en dank slegs Yeshua vir wat Hy gedoen het, wat Hy steeds doen en vir wat Hy nog gaan doen. Dit is lof en aanbidding en soms oorlogvoering, weer gebasseer op wat Yeshua voortbring deur Sy Gees. Dit is baie selde dat hulle sing oor Yeshua. Dit is 'n persoonlike saak. (Dit is logies dat 'n Bruid vir haar man sal sing in privaatheid en oor hom in die openbaar.) Nadat die sang voltooi is, deel hulle enige “Sake van die Gees” wat hulle ontvang, sodat dit aangeteken kan word. Soms gebruik hulle Nagmaal gedurende die vergadering, onder Yeshua se leiding. Hulle hou gewoonlik die vergadering op 'n Vrydagaand.

Soms kom openbaring gedurende die Oasis vergadering oor iets wat deur die Heilige Gees in die gebedsvergadering opgehaal was, of in die **bedieningsvergadering**. Die groep het soms 'n draadjie van openbaring gesien wat deur al drie vergaderings loop vir verlengde periodes van tyd voordat hulle die volle prent gesnap het!

**Hulle (3) Bedieningsvergadering** is basies waar hul al die “Sake van die Gees” van die vorige vergaderings bymekaarbring om 'n prent te vorm. Paulus het gesê:

1 Kor. 14:26 *Hoe staan die saak dan, broeders? Wanneer julle saamkom, dan het elkeen van julle 'n psalm of 'n lering of 'n taal of 'n openbaring of 'n uitlegging—laat alles tot stigting geskied.*

Hierdie bedieningsvergadering is die vergadering waar hulle werklik verwag het dat Paulus se woorde bewaarheid sou word (alhoewel hul dit met elke vergadering verwag het). Hulle het begin om alle “Sake van die Gees” wat mense ontvang het bekend te maak, sodat hul kan beweeg in die rigting wat Yeshua verlang. Hulle mag dit dalk nie in korrekte orde ontvang nie, maar Yeshua is voortdurend besig om prente saam te stel en openbarings stuk vir stuk te gee. As hulle dinge ordentlik doen, maar 'n klein bietjie wanordelik, kan hul steeds die prent snap as almal verstaan. Die uitsondering hier sou wees wanneer die Heilige Gees aanwesig is, maar nie wil voortgaan nie – totdat hulle gedoen het wat hulle moet, individueel of korporatief. Hierdie is 'n stap vir stap proses en moet ordelik gedoen word. Vader het die bedieningsvergadering gebruik om aan Roy verskillende goed uit te wys.

As die toesighouer, moes hy leer om nie die vergadering op sy skouers te dra nie. **Die vergadering is Yeshua s'n, nie syne nie.** Hy moes ontslae raak van die idee dat hy moes presteer. Yeshua het dit beklemtoon deur hom na vergaderings te stuur met hoegenaamd geen leidraad van wat Hy wil hê nie. Die leirade het in die vergadering self gekom deur "Sake van die Gees", of deur die musiek wat Yeshua vir die musiekleiers gegee het. Die punt is dat hy moes funksioneer deur die leirade op daardie tydstip en nie deur sy eie gees nie. Ander kere openbaar Yeshua voor die vergadering deels wat Roy moet doen.

Om terug te keer na al die vergaderings oor die algemeen: Yeshua het deur die jare met Roy hulle gedeel rakende ontsag teenoor Hom en oor die ontslae raak van wêreldse dinge in hul gedagtes voor 'n byeenkoms. Hy het konstant gepraat oor korporatiewe eenheid in die doen van dinge op Sy manier. Dit is nie individueel so moeilik nie, maar korporatief is dit heeltemal 'n ander saak. Om ontslae te raak van "eie ek en ego" is 'n sleutelpunt as 'n individu en sodra dit behaal is, is dit maklik vir individue om dit ook korporatief te doen.

In April 2004 het 'n persoon tydens 'n byeenkoms 'n paar simbole gesien en dit aangeteken. Een daarvan was 'n vat op wiele. Sy het nie geweet of dit die olie van die Heilige Gees in gehad het en of dit ink was nie. Hulle het geen idee gehad waarom sy dit gesien het nie, maar sou kort daarna leer dat Yeshua dit sou gebruik om 'n paar dinge te bevestig.



Yeshua het hulle ook meer en meer oor Goue vergaderings begin leer en hulle het geleer dat die vergaderings veronderstel was om Yeshua s'n te wees. Toe, in 'n ander byeenkoms op die 14de April 2004, het dieselfde vrou van die vorige visioen, 'n visioen gehad waarin sy 'n hofsaal gesien het met pilare van wit marmer en wit gordyne. In die visioen het sy hierdie hofsaal binnegegaan met die wete dat sy moet stil wees. Sy sien toe dieselfde vat olie op wiele, wat 'n lyn trek rondom die binnekant van die vertrek waar Roy hulle was. Sy het toe gerapporteer dat die Goue vergaderings-atmosfeer die presiese atmosfeer van die hofsaal moet wees – soos 'n koning se hof! Die lyn wat rondom die vertrek getrek was het betrekking op: "Hy verskaf grense sodat ons Hom kan vind!" Yeshua het sodoende nog 'n grens opgestel in verband met Goue Vergaderings. Hy het dit op 'n spesiale wyse gedoen omdat dit so belangrik is!

In 'n hofsaal is alle gesprekke gedemp, al is mense besig om hulle voor te berei vir die regter se verskyning. Wanneer die regter verskyn, word alle gesprekke gestaak. Niks word gedoen, tensy die regter dit begin nie. In lig van wat ons geleer het rondom rekordhouding van alles in 'n vloeiagram, is dit nie interessant dat alles wat in 'n hofsaal gebeur terwyl die regter teenwoordig is, deur 'n spesifieke persoon aangeteken word nie?

## Yeshua is die Vergadering !

Die volgende belangrike saak wat die Heilige Gees onder Roy se aandag gebring het, was dat die byeenkoms nie net (1) aan Yeshua behoort het nie, maar dat (2) Yeshua die byeenkoms is – dat ons in hom inbeweeg!

Roy getuig self hier van 'n Oase byeenkoms wat hulle gehou het: “Ons het as 'n groep gepraat oor die hofsaa-atmosfeer en wou dit regkry na al die korreksies wat ons van Yeshua af ontvang het. Ek het die groep versoek om die bymekaarkomplek binne te gaan asof hulle in Yeshua inbeweeg. Ek het geen idee gehad van hoe dit sou wees, of hoe om dit te doen nie, maar ek kan nou my eie getuienis gee van wat gebeur het.

“Ek en my vrou het eerste gearriveer en ek het na die deur gekyk met die gedagte dat ek moes ingaan asof ek in Yeshua inbeweeg. Daar was een of ander proses in my gedagtes soos ek ingegaan het. Ek het deur die vertrek geloop terwyl ek begin het om vir die byeenkoms voor te berei en was in stille gebed, toe ek skielik besef het dat Yeshua reeds daar teenwoordig was...

“Ander het gearriveer en was stilweg besig om voor te berei vir die neem van brood en wyn (nagmaal), terwyl ek die opnametoerusting reggekry het. Mense het baie sag gepraat, maar altyd bymekaar, asof hulle in 'n hofsaa was. Soos die mense ingekom het met hierdie houding, het dit voorgekom asof die salwing sterker geword het, totdat dit net so sterk of nog sterker was as wat ek dit al ooit ervaar het sonder die manifestering van 'n gawe. Ek het dit baie eienaardig gevind, aangesien die byeenkoms nog nie eens begin het nie en ons beslis nie Sy hof met lofprysing ingegaan het nie. Ons het almal veelseggend na mekaar gekyk en ek het besef dat daar geen rede was vir gebed of enigiets anders nie. Yeshua was daar! Die musiek het begin en glo my, die eerste lied was gesalf reeds met die eerste noot. Hierdie salwing het regdeur die byeenkoms aangehou. Ons het ons normale dinge gedoen, maar met baie meer ontsag as gewoonlik. Daar was geen spesifieke wonderwerk tydens al hierdie gebeure nie, maar ek persoonlik was wonderlik geseën deur die ervaring.

“Een ding wat ek opgemerk het, is dat met my gedagtes konsentrerend daarop *‘om in Yeshua in te gaan’*, was dit nie moeilik om ontslae te raak van die *‘dinge van die wêreld’* en die gedagtes wat daarmee gepaard gaan nie. Om die waarheid te sê, hulle het nooit my verstand binnegedring nie, omdat my gedagtes gefokus was om in Yeshua in te beweeg! Ek het tydens die byeenkoms gedink hoe eienaardig dit was, dat 'n gedagtepatroon van om in Yeshua in te beweeg, die geestelike wete sou produseer dat Yeshua alreeds daar was, wat Hy beslis was! Yeshua het gedemonstreer dat HY die Byeenkoms is en dat ons in Hom inbeweeg het. Die kontakprobleem is aan ons mense se kant. Dus: *‘Hy gee aan ons grense sodat ons Hom kan vind!’* Wil ons Hom werklik op 'n groter maat en dieper wyse vind, op 'n meer gereelde basis?

“Na die byeenkoms het ek besef dat Yeshua eenvoudig gedemonstreer het wat Hy besig was om ons te leer, soos Hy belowe het. Hy was besig om alles wat Hy openbaar het rondom die atmosfeer en patrone wat ons in ons vergaderings behoort te hê, te vestig. Sommige mag skree: *‘Bande en wettiesheid!’* Maar ons vryheid is in Hom, ons bevryding is in Hom! Waarom sou ‘n persoon die hofsaal-atmosfeer in die wêreldstelsel eerbiedig, maar daaroor kla in die Koninkryk van Yeshua? Yeshua is ‘n Koning, die Koning van alle konings! As Hy fisies gemanifesteer het sodat almal hom in enige byeenkoms kon waarneem, sou daar verseker onmiddellik ‘n hofsaal-atmosfeer heers.”

Yeshua het vir Roy gesê: **“Jy sal verbaas wees hoe nou die weg is wat na die lewe lei”**. Hierdie inligting oor die nou weg op pad na die huwelik van die Lam is geen uitsondering nie. Dit is noodsaaklik dat ons die grense ontvang wat Hy gee, sodat ons as ‘n korporatiewe liggaam Hom op ‘n gereelde (standhoudende) basis kan vind. Ons moet besef dat dit ‘n manier is vir die korporatiewe (verenigde) liggaam om intiem met Yeshua te wees. Dit moet korporatief gebeur, omdat die Bruid van Yeshua ‘n korporatiewe liggaam is!


## **‘N BRUG OM OOR TE GAAN!**

Roy het inligting neergeskryf en vir Yeshua gevra of dit volledig was. Daardie nag het Hy vir Roy ‘n baie duidelike toneel gegee. Dit het getoon dat die volgende inligting voorstel hoe ons, die korporatiewe liggaam, “oorgaan” in die Koninkryk wat oral rondom ons is, soos deur Yeshua geopenbaar. Daar is nog meer inligting op pad. Die toneel in Roy se eie woorde:

“Ek het gestaan in wat ek as ‘n park sou beskryf. Daar was bome en goedversorgde gras. Dit was ‘n pragtige plek. Voor my was die punt van ‘n brug wat in die lug gehang het. Dit was pas gebou. Dit was van beton gemaak en effens geboë soos dit na my regterkant uitgestrek het. Dit was ‘n brug wat gebou was om “Oor te Stap!” Ek kon drie of vier pype reg aan die einde van die brug sien. (Nie aangetoon in die prentjie) Dit was vir mense om te gebruik om ‘n tou oor te gooi om hulself na die ingang van die brug op te trek. Daar was geen trappe nie en ek skat die ingang was 15 tot 20 voet van die grond af. Jy moes jouself optrek deur jou eie poging aan te wend.



“Ek was toe bo waar ek die ingang van die brug kon sien. Ek het gesien dat die beton nuut was en van uitstekende gehalte. Die binnemure van die nou paadjie met die brug af was effens konveks na bo, in die rigting van die handrelings. “Bo-op die handrelings was ‘n strook gladde staal in die beton gelê. Dit het dinge vergemaklik om jou hande aan weerskante saam te laat gly, as jy wou. Hierdie brug was beslis vir een persoon op ‘n slag om langs te beweeg, maar ek het ook geweet dat dit gebou was vir ‘n groep om in gelid oor te stap. ‘n Korporatiewe saak is moontlik! Die vloer en handrelings was die perfekte wydte en hoogte. Daar was iets pragtig omtrent hierdie konstruksie in die vorm daarvan wat ek nie kan beskryf nie. Behalwe dat ek dink die doel van die brug het die vreemde skoonheid veroorsaak.



### DIT IS 'N BRUG OM “OOR TE GAAN”!

Roy vervolg: “Om oor te gaan” het te make met die oorgaan in Yeshua se Koninkryk in. Dit het beslis ook te make met die Huwelik van die Lam, omdat Yeshua dit ingevoeg het by die inligting oor die nou weg na die Huwelik van die Lam. Weer eens het ek die artikel neergepen en Yeshua gevra of dit volledig was. Yeshua het vir my ‘n visioen gegee wat getoon het dat ek terug sou gaan om van dit wat ek reeds geskryf het, te herskryf. Dat ek meer saad nodig gehad het. Ek het geweet dat die saad in die toekoms van Yeshua af sou moes kom! Daar is beslis meer te wete met betrekking tot ‘Om oor te gaan!’”

### Hamer dit in die deurposte sodat dit lewend word!

Hier volg ‘n beskrywing van wat plaasgevind het tydens ‘n Goue Byeenkoms gehou deur Roy hulle se groep op **19 Desember 2004**, in Roy se eie woorde:

“Op daardie tydstop het ek ‘n artikel en meer tonele wat Yeshua aan my gegee het, gedeel met ons groep hier by Take His Heart. Een toneel het uitgebeeld hoe ek hierdie inligting herhaaldelik in ‘n deurkosyn moes inhamer, om dit lewend te laat word. Dit was maklik om te verstaan: YHWH het die Israeliete opdrag gegee om Sy Woord op hulle deurposte te skryf sodat hul dit daagliks kon sien, anders sou hulle dit vergeet. Ons onthou inligting nie baie lank nie; dit raak soms binne enkele dae vergeet. Ek het besef dat ons besig was om as ‘n groep terug te sink in ons ou weë en dat ons nie daarop gefokus het om in Yeshua in te stap wanneer ons vergaderings het nie. Ek het begryp waarom Yeshua tevore in ‘n byeenkoms gesê het op **12 Desember 2004** (Deur ons wagter is aan ons die woorde gegee): “Korporatief.” / “Wis uit die oue.” / “Prent in.” / “MY woord.” / “Perfeksie.” en “Prys MY.”


“Natuurlik het ons Hom geprys, maar ons het nie verstaan waarvan ons ontslae moes raak wat oud was nie.

Jy sien, ons het nie **die ou manier** van korporatiewe vergaderings hou, **uitgewis nie**. Die ou, bekende manier was besig om terug te syfer. (As jy iets totaal uitwis, sal dit nie terugkeer nie.) Ons moes ons **Vader se Woord inprent** om in Hom in te stap in vergaderings en dit het te doen met **“Volmaaktheid.”** Soos ons dit bespreek het, het ek almal herinner dat Yeshua ons gereeld opdrag gegee het om te **“luister.”** Ek het voorgestel dat omrede Yeshua so gereeld met ons gedeel het oor vergaderings gedurende hierdie “spesifieke tydperioede”, Hy eintlik gesê het dat ons moes luister wanneer ons in Hom inbeweeg. Met ander woorde: *“Hier is ek, Yeshua. Ek het geen agenda nie. Ek luister vir opdragte. Ek begeer om te hoor wat U wil sê. U is my Koning en ek is U skakelbeampte.”*

Ek het besef dat Yeshua besig was om my te help om hierdie inligting by mense se verstand in te hamer deur vir my meer en meer visioene te gee terwyl ek hierdie artikel geskryf het. Dit gaan daaroor om vergaderings te hou wat Yeshua behaag. Hier volg nog 'n visioen sodat jy die verklaring sal verstaan wat Yeshua vir Roy gegee het:

Ek het gekyk na 'n deel van 'n mat wat opgelig en in twee balle verander is, omtrent die grootte van 'n basketbal. Soos dit gebeur het, het die mat verander in 'n materiaal soortgelyk aan velcro. Dit het ook van bruin na swart verander. Ek het dus twee

Standaard papier oral oor die sfeer



Baie meer papiertjies as wat aangetoon word

swart balle gesien wat langs mekaar in die lug gehang het. Ek het 'n paar velle gewone papier gesien wat in die materiaal gesteek word. Die papier het nie gekrul of gevou en geval soos dit in die natuurlike wêreld sou nie. Hierdie papiere was agtermekaar regoor die balle geplaas en het reguit daaruit gesteek. Beide balle en papiere het identies gelyk. Ek is beveel: **“Moenie dat dit die kantoor verlaat nie.”**

Hierdie toneel het vir my absoluut geen sin gemaak nie en ek het gewonder of ek iets in hierdie artikel geplaas het wat ek nie moes nie. Ek het die toneel met ander mense gedeel en het hulle gevra om te bid omdat ek niks wou skryf wat ek nie veronderstel was nie.

Terwyl ons dit bespreek het, het ek die volgende vraag gevra: “Is die totale formaat van 'n byeenkoms (alles wat Yeshua ons geleer het), insluitend die konsep om in Yeshua in te stap, vir die leiers van die kerk, of vir die hele kerkliggaam, kinders ook?” Ek het gevoel dat dit belaglik was om hierdie inligting te versprei sonder om die antwoord op die vraag te ken. Dit was vir my vanselfsprekend dat die leiers van die kerk behoort te weet om nie teen Yeshua te hoereer nie.

Op **20 Desember 2004** het ek nog 'n goue visioen gehad. Ek het gekyk hoe 'n baie ryk man goue huise bou. Ek is na spesifieke plekke hier en daar regoor die wêreld geneem. Hierdie man het met sy vinger gewys en gesê, "Ek wil 'n huis hier bou!" As gevolg van sy ontsaglike rykdom, het die terrein van die areas wat hy gekies het geen verskil gemaak nie.

Ek het toe na die moeilikste area om 'n huis te bou in die wêreld gekyk. Dit was 'n volkleur toneel van klippe wat omtrent 16-20 sentimeter wyd was met spasies tussen die klippe van omtrent 30cm. Aangesien die hele area so was, sou 'n mens versigtig moes wees, selfs net om te staan. Ek het die ryk man na hierdie area gesien wys en Hy het gesê, "Ek wil hier 'n huis bou!" Onmiddellik het ek 'n loodgieter gesien pype aanlê deur die soliede rots en die huis was begin. Toe verander die toneel na die voltooide huis en ek was binne. Ek het gestaan en kyk na hierdie ryk man se groot gesin. Ek het 'n punt daarvan gemaak om intens na die familie te kyk, om te sien wie hulle was. Daar was van ou mense tot babas wat in jou arms kon regop sit. Die toneel het geëindig...



Ek het toe geweet dat Yeshua die inligting oor Sy vergaderings vir die hele gemeente verskaf het. 'n Huis verteenwoordig wat ons glo en doen in die lewe. Hierdie was 'n "goue huis". Met die rykdom (goud) wat "kennis en begrip" verteenwoordig, kan 'n goue huis enige plek in die wêreld gebou word volgens Yeshua se wil – selfs op die moeilikste plekke. Sonder die rykdom (kennis en begrip) kan dit nie gedoen word nie. Yeshua het aan ons hierdie kennis en begrip verskaf deur die "Sake van die Gees". Die rede waarom die loodgieter eerste op die toneel was, het te doen met 'n pypleiding. 'n Pypleiding vervoer nodige inligting. Ek was besig om pype na jou te lê in hierdie artikel.

Nadat ek uit hierdie toneel wakker geword het, het Yeshua vir my die interpretasie gegee van die twee swart balle wat in die lug hang. Die bruin mat wat in swart sferes verander met wit papiere wat ingevoeg word, verteenwoordig waarop ons wandel – die korrekte aardse wandel wat swart en wit word. (Ek was reeds gewys dat die voorkant van hierdie geskrif kleurvol was [die goue byeenkoms inligting], maar dit verander in swart en wit in die skrywe. Die inligting is swart en wit oor hoe om vergaderings te hou.) Die papiere wat styf staan, beteken die inligting op elke vel staan alleen. Die twee sferes verteenwoordig die Nuwe Hemel en die Nuwe aarde. Die papiere en sferes wat identies is, stem ooreen met die een sfeer as die hemel en die ander as die aarde en ons wat bid: "Laat U wil geskied, soos in die Hemel, so ook op die aarde." (Die patrone in die hemel wat betref Yeshua se koninkryk moet presies gemanifesteer word, hier op aarde.)

Toe ek in die hemel was, was daar vergaderings aan die gang en Yeshua was in beheer.

Ek kan waarborg dat hulle die doel van elke byeenkoms en Yeshua se agenda vir hulle geken het. Yeshua se mense het gebid dat Yeshua se wil moet geskied op aarde soos dit in die hemel is. Is ons opgewasse vir die taak van verandering? Dit verg moeite om onself na die ingang van die brug om “Oor te Stap” op te trek. Sal ons die poging aanwend? Waarom het Yeshua vir my gesê: **“Moenie dat hierdie die kantoor verlaat nie”**? Hy was besig om my opdrag te gee om hierdie inligting nooit te verloor vanuit die pos van profeet of apostel nie; dat ek verantwoordelik was om dit te behou. Ek is ook verantwoordelik om hierdie inligting aanhoudend in die deurposte van mense se huise (geloofstelsels) te hamer sodat Yeshua waarlik die hoof van Sy Gemeente kan word, as ‘n Eggenoot en Koning.

Elohim het vir ons hierdie visioen gegee om te help dat ons die inligting in ons deurposte kan hamer sodat ons dit nooit vergeet nie! Ons vergaderings moet aangenaam wees vir die “Koning van die Konings” om intiem te kan raak as groep (korporatief) met die Lam van Elohim. Intimiteit is ‘n moet vir ‘n goed-funksionerende, standhoudende huwelik.

Om almal aan te spoor sal ek sê dat al hierdie dinge ‘n bietjie oorweldigend mag voorkom, maar ek kan jou verseker dat dit eenvoudig word sodra jy verstaan waarom. Dit is sodat ons ontslae kan raak van al ons vlees (eie ek of ego) in ‘n byeenkoms. Hier is nog ‘n toneel wat gegee was tydens hierdie selfde tydgleuf: Die dame wat die oliedrom en die hofsaal-toneel gesien het, het ook ‘n persoon gesien wat uit die water in ‘n boot ingeklim het. Die persoon het gaan sit op ‘n wit sitplek aan die agterkant (daar was geen motor nie). Die boot was wit en blou met ‘n bietjie afgeronde hout aan die voorkant. Sy het nie hierdie toneel tydens daardie byeenkoms gerapporteer nie, want sy het gesê dit was walglik. Sy het gesê die persoon was bloederig, asof sy hele vel afgetrek was.

Roy het vir haar gesê dat die kleure van die boot goed was, insluitende die wit sitplek en dat die vel wat van die persoon af was waarskynlik ‘n totale gebrek aan vlees of “eie ek of ego” beteken het. Bote, vliegtuie en skepe verteenwoordig die kerk en hierdie kleiner boot kan ‘n enkele byeenkoms verteenwoordig, wat klop met wat Vader besig is om ons te leer. Die inspanning van die persoon om op sy eie in ‘n boot te klim verteenwoordig dieselfde inspanning van ons kant af soos aangedui in die “Om Oor te Gaan” toneel. Ons moet die moeite doen. Elohim sal dit nie vir ons doen nie. Daar was geen enjin of stuur aan hierdie boot nie. Dit beteken dat Vader die byeenkoms (die boot) kan neem waar Hy wil (deur die Heilige Gees) in pleks daarvan dat ons dit stuur soos ons wil (deur die vlees).

Roy sê dat hy al met ‘n regte (menslike) koning te doen gehad het en dat hy ons wil verseker dat jy ‘n koning nie net benader soos enige gewone persoon nie. Waarom moet ‘n wêreldse koning soos ‘n goddelike behandel word, maar die Koning van al die Konings se vergaderings word sommer gedoen soos wat die mens besluit?



Ons moet eenvoudig voor ons Koning van die konings verskyn op Sy voorwaardes en Sy agenda vir daardie betrokke byeenkoms. Ons moet in Hom instap soos Hy begeer (sonder vlees – sonder *eie ek of ego*), soekende na Sy agenda!

### **Eenvoudige Moenie's en 'n Moet!**

Ons beseft dat vir sommige dit soos 'n uiterste mag voorkom, maar nietemin is dit die waarheid. Daar is baie wat kan inmeng met die instap in Yeshua in vir 'n byeenkoms, veral met betrekking tot die korporatiewe (groep). As gevolg hiervan het Roy gedink dat al hierdie dinge onmoontlik was om vol te hou. Hy was in 'n gebedsbyeenkoms toe Yeshua vir hom gesê het: **“As iets verkeerd gaan, of van die korrekte pad afwyk, moenie 'n groot ding daarvan maak nie, bring dit net weer terug op koers.”** Dit is 'n “Moet”.

Soos reeds gesê, was Roy tevore in die teenwoordigheid van 'n aardse koning en ons praat hier in hierdie vergaderings van 'n ontmoeting met die Koning van die konings. Roy vervolgt: Gedurende hierdie tydgleuf het ek met die groep gepraat oor om na die byeenkoms te kom met oë gefokus om die Koning werklik te sien. Ek kan jou belowe dat as ons werklik 'n koning te woord sou staan en veral die Koning van die konings, *ons vroeg in die dag al gefokus sou gewees het* op wat voorgelê het. Ons gedagtes sou byvoorbeeld gesentreer het rondom die korrekte kleredrag, sonder om aandag op onself te vestig. Daar is 'n boodskap in hierdie feit, aangesien klere ons optrede simbolies uitbeeld en ons behoort geen aandag op onself, of enigiemand anders, te vestig nie. Alle aandag moet op die Koning wees! Wanneer mens 'n koning se hof betree, is ons fokus tog op die koning.

Op daardie stadium het ons in 'n skuur bymekaargekom en as ons geglo het dat die Koning van die konings (fisies) in die skuur was, sou ons nie in die parkeerarea met ons bure gepraat het oor wat by die werk gebeur het, of watter kleur rok hulle aangehad het nie, ens. Daar is geen manier wat ons dit kon doen voor 'n vergadering en steeds gefokus kon wees om in Yeshua in te beweeg wanneer ons die byeenkomsarea betree nie. Die idee van Yeshua wat werklik daar is *op 'n ander manier* in hierdie laaste dae kan moeilik wees om te begryp. Dit was aan profeet Roy openbaar **dat Yeshua reeds hier op die aarde is** op 'n ander wyse as wat Hy in die verlede was. Nadat die Heilige Gees hierdie feit aan Roy hulle openbaar het deur verskeie Wit Perd tonele, het Yeshua anders met hulle begin praat, asof Hy persoonlik daar was in hulle vergaderings. Dit was nie net soos wanneer die Heilige Gees beweeg in byeenkomste nie. Yeshua wat op 'n ander wyse hier is, word bewys deur 'n woord van 'n ander bediening wat nie verbonde is aan ons nie. Hier is 'n deel van daardie woord wat hulle ontvang het:

Ek sal dit wat versteek was nou openbaar, maar Ek het nie gekom om slegs sonde wat versteek was, te openbaar nie; Ek het gekom om die verborge geheimenisse van die laaste dae te openbaar...

Jy sien dus dat Yeshua aan die wêreld openbaar dat Hy om 'n ander rede hier is. Hy is hier in ons vergaderings en hoe ons die vergaderings moet ingaan, ons benadering daarvan en ons gedagtegang, affekteer die byeenkoms. Klein dingetjies is belangrik en hoe om Yeshua die Hoof van vergaderings te laat wees, is iets wat aangeleer moet word.

### **Agter Yeshua se hart**

Ek is so bly dat Yeshua ons prente gee sodat ons kan begryp wat Hy wil hê ons moet verstaan. Vergaderings is noodsaaklik en geen korporasie of koninkryk kan bestaan, of korrek funksioneer as daar nie vergaderings van een of ander aard is nie. Dieselfde geld vir die Koninkryk van Yeshua op aarde.

Terwyl Yeshua verskeie kere met Roy gedeel het oor vergaderings, het hy besef hoekom. Goue vergaderings moes gehou word op 'n wyse wat Yeshua die Hoof laat wees. Met die nuwe grense wat Hy gegee het, het Roy gewonder waarheen alles werklik op pad was, en wat so belangrik is van vergaderings en waarom heiligheid so baie ter sprake is. (Nie die menslike idee van heiligheid nie, maar Yeshua se idee van Heiligheid.) Dit was hiertydens dat Yeshua Heiligheid met hulle opgeneem het; dat Hy Heilig is, iets wat ons almal behoort te weet. Laat Roy jouself vertel wat gebeur het: Ek was op pad na 'n byeenkoms toe ek dink: "Wat op aarde is so belangrik aan vergaderings en al hierdie fyn lyne; waarom hou dit aan en aan?"

Skielik het ek 'n visioen gehad; ek was binne-in Yeshua en het na die agterkant van Sy hart gekyk. Sy liggaam was baie groter as myne en Sy hart was reg voor my neus. Yeshua het gesê: "**Ek het nog nie 'n vrou gehad wat ek kon vertroetel nie!**" Geruk deur die woorde, het ek onmiddellik gedink, "My Koning het nog nooit 'n vrou gehad wie Hy vurig kon liefhê sedert die begin van tyd nie! Israel was nog nooit die Vleklose Bruid nie en ook nie die vroeë Kerk was dit al ooit nie."

Ek het uit die visioen gekom met 'n oneindige begeerte om vergaderings te hou wat vir Yeshua aanvaarbaar was. Ek het begryp dat die Bruid 'n funksionerende groep van mense is wat saamvloei en Yeshua die Hoof laat wees. Wat my nou gepla het, was die feit dat ek dit nie kon laat gebeur nie. Dit verg 'n groep wat oorgegee het, beide aan Yeshua en aan mekaar, elkeen funksionierend in hul korrekte plek en almal sonder hul eie agenda.

Ek het besef dat om my te laat verstaan wat Hy bedoel, het Yeshua 'n frase gebruik wat ek in my jonger jare teenoor my vrou gebruik het. Hierdie frase het

sulke eenvoudige dinge behels soos om net haar hand vas te hou, “haar te vertroetel”.

Ons moet begryp dat dit in ‘n byeenkoms is wat die bruid as ‘n enkele liggaam kan manifesteer, of sy ‘n hoer of ‘n *vlaklose bruid* is. Yeshua sal nie ‘n hoer vertroetel soos ‘n *Vleklose Bruid* nie. Hy kan soveel meer doen, omdat die *Vleklose Bruid* Hom die Hoof van die vergaderings laat wees, of beter gestel, Hom Sy plek laat inneem in die Liggaam van die Messias. Met hierdie ervaring het Yeshua bloot aan my openbaar **hoe belangrik vergaderings is** deurdat jy oorgaan in Sy Koninkryk in, strewend daarna om vlekloos te word in Hom.

## **Gehoorzaamheid Sonder ‘Eie ek’ of ‘Ego’**

Ons plaas die volgende inligting ook hier want ‘Eie ek’ of ‘Ego’ is ‘n noodsaaklike aspek om te verstaan met betrekking tot *Goue Vergaderings* en korporatiewe oorlogvoering.

### **13 Oktober 2004**

Yeshua het gesê: “*Jy kan nie hand-in-hand met My wandel as my bruid en ‘eie ek’ of ‘ego’ hê nie.*” Dit is baie belangrik dat ons hierdie stelling verstaan want dit is absolute waarheid. Dit is nie dat Yeshua nie uitsonderings vir enigeen maak nie, dit is net eenvoudig ‘n feit. Om te wandel beteken om saam met Yeshua te beweeg.

‘n Mens kan met Yeshua saam beweeg, maar om hand aan hand met Hom te wandel is om perfek met Hom saam te beweeg. ‘Eie ek’ of ‘ego’ sal jou verhinder om perfek met Hom saam te beweeg. In 1989 het Yeshua vir Roy ‘n woord gegee wat gedeeltelik lees:

*Ek sê vir jou: wees gehoorzaam aan My. Ek het jou uitgesoek, wees gehoorzaam aan My. Neem dit nie ligtelik op nie. Wie is jy? Niemand! Ek alleen is Elohim.*

**Jesaja 40:17** *Al die nasies is voor Hom soos niks: as niks en nietigheid word hulle by Hom gereken.* (Daar is meer skrifgedeeltes met dieselfde strekking.)

Moses het voor ‘eie ek’ of ‘ego’ geswig toe hy die rots geslaan het, in pleks daarvan om daarmee te praat soos Yahweh hom beveel het. Hy het vir ‘n oomblik sy “*hand-aan-hand*” met YHWH verloor en dit het verhoed dat hy die beloofde land kon ingaan. ‘Eie ek’ of ‘ego’ sal ‘n individu of ‘n korporatiewe liggaam verhoed om hulle volle beloning te ontvang. Dit maak van ‘eie ek’ of ‘ego’ ‘n groot probleem! Kom ons kyk wat het gebeur:

**Num 20:7-12** En YHWH het met Moses gespreek en gesê: Neem die staf en laat die byeenkoms byeenkom, jy en jou broer Aäron, en spreek julle die rots aan voor hulle oë; dan sal hy sy water gee. So moet jy dan vir hulle water uit die rots laat vloei en die byeenkoms en hulle vee laat drink. Toe neem Moses die staf voor die aangesig van YHWH weg soos Hy hom beveel het. En Moses en Aäron het die byeenkoms voor die rots laat byeenkom, en hy het vir hulle gesê: Hoor tog, julle wederstrewiges, (rebellé) moet ons vir julle water uit hierdie rots laat vloei? Daarop tel Moses sy hand op en hy slaan die rots twee maal met sy staf; en daar het baie water uitgekom, sodat die byeenkoms gedrink het en hulle vee. Toe sê YHWH vir Moses en Aäron: Omdat julle in My nie geglo het om My voor die oë van die kinders van Israel te heilig nie, daarom sal julle hierdie vergadering nie in die land inbring wat Ek aan hulle gegee het nie.

Moses het voor 'eie ek' of 'ego' geswig, wat openbaar word deur wat uit sy mond gekom het: "Hoor tog, julle wederstrewiges, moet ons vir julle water uit hierdie rots laat vloei?" "julle wederstrewiges" openbaar hoe gewalg Moses was en "moet ons" openbaar totale 'eie ek' of 'ego' op daardie stadium. Maar nog belangriker om te verstaan, is omdat Moses voor "eie ek of ego" geswig het, kon Yeshua nie die resultaat verkry met die kinders van Israel wat Hy wou nie. Jy mag dalk sê: "Maar Israel het hulle water gekry!" Ja, maar YHWH se volledige doel was vernietig. Kyk na Sy stelling: "Omdat julle in My nie geglo het om My voor die oë van die kinders van Israel te heilig nie..."

YHWH wou iets doen buiten om Israel van water te voorsien, waarvan Moses en Aaron heeltemal onbewus was. Yeshua openbaar nie altyd die einddoel van Sy opdrag voor ons nie onmiddellik en volkome gehoorsaam was nie. Dit geld individueel en korporatief. Dus sien ons waarom Elohim vir Roy gesê het: "...wees gehoorsaam aan My. Moenie dit ligtelik opneem nie." Volmaakte gehoorsaamheid (sonder 'eie ek' of 'ego') is baie belangrik, dus moet ons aandag gee en doen presies wat Yeshua ons beveel. 'Eie ek' of 'ego' meng in met die vestiging van Yeshua se regering op aarde.

Roy vertel: Ek was in 'n vergadering waar ek 'n visioen gehad het van 'n sekere vrou (wie ek nie openbaar het nie) in die groep, besig om Nagmaal te bedien. Ek het geweet al die dames sou moes bedien, een vir een, in toekomstige vergaderings. Ek het terug gegaan na die bandopname en vind toe dat ek 'n onsekere woord gegee het rakende wat Yeshua aan my openbaar het oor die dames wat bedien. Hulle moes bedien, sonder om te praat, tensy Vader iets gesê het. Ek het dus in 'self' beland gehad, menende Vader het hierdie opdrag gegee, omdat party van die dames huiwerig sou wees om Nagmaal te bedien, menend dat hulle iets daartydens sou moes sê. 'Self' werk op hierdie manier en soms merk ons dit nie aan onself wanneer dit gebeur nie. Ek het gedink dit was 'n les in korporatiewe gehoorsaamheid, omdat ons dit tevore ondervind het.

Nadat ek na die vergadering se opname geluister het, het ek besef ek het die ware boodskap afgewater tot waar dit onduidelik was vir die groep.

“By die volgende Oasis-byeenkoms (3 Februarie 2006) het ‘n dame by die deur ingekom en vir my gesê dat sy nagmaal moes bedien. Ek het gesê “Goed”, maar was ‘n bietjie verward omdat sy nie die vrou was wat ek in die visioen gesien het nie. Sy het nagmaal bedien, maar eers het sy inligting verskaf.

“Tydens die tweede Oase-byeenkoms (17 Februarie 2006) was ‘n ander vrou gelei om nagmaal te bedien. Sy het dit stil bedien en gaan sit om ‘n stil gebed te doen. Ek het by haar aangesluit en Yeshua saggies bedank vir wat Hy vir my gedoen het. Agterna het ek geweet dat ek in ‘eie ek’ of ‘ego’ inbeweeg het. Ek het altyd in die verlede saggies met Yeshua gepraat tydens nagmaal. Dit was toe dat dit my tref: Ons het dit steeds misverstaan! Ek het myself voorgeneem om volgende keer niks te sê teenoor Yeshua tydens nagmaal tensy Yeshua die uitdruklike instruksie gee oor iets wat Hy wil hê ek moet sê nie.

“By die derde Oase-byeenkoms (**3 Maart 2006**) was die persoon wat gelei is om te bedien, die wagter. Sy het agterna gesê dat sy Yeshua gevra het: “As ek moet bedien, is daar enige woorde om te sê?” en Yeshua het gesê: **“Daar is niks!”** Ons het nie geweet dat dit gebeur het terwyl sy bedien het nie. Sy het klaar bedien en ons het met nagmaal in ons hande gesit, terwyl ons deelgeneem het soos elke individu wou. Ons het stil daar gesit vir ‘n ruk en ek het seker gemaak om nie eens te bid nie, maar om net op Yeshua te wag. Toe gebeur iets onbeskryfliks! Dit was selfs meer as die teenwoordigheid van Yeshua – Hy was vroeër reeds in die byeenkoms. Dit was meer as ‘n salwing. Dit was korporatiewe intimiteit (by gebrek aan beter woorde) met Yeshua, en meer. Almal van ons het eindelijk ‘eie ek’ of ‘ego’ korporatief oorwin en nou het ons iets bonatuurliks ervaar wat Elohim wou doen; iets wat bokant enigiets was wat ons ons sou kon verbeel. Moses en Aaron het hulle nie die tweede bonatuurlike geval verbeel wat Vader wou doen nie, in hulle spesifieke geval, en ons het ook nie, in ons spesifieke geval as ‘n liggaam. Ek het gesê dit was “meer as intimiteit” en dit is hoekom! Yeshua het iets in die groep gedoen wat ons nie werklik kan verduidelik nie. Ons het verander, as ‘n groep, sedert dit gebeur het. Dit het slegs gemanifesteer as gevolg van korporatiewe gehoorsaamheid sonder ‘self’. Ek moedig almal aan om presies dit te doen wat Yeshua beveel, individueel en korporatief. Ondersoek die presiese instruksie van Yeshua, elke jota en tittel van wat Hy openbaar. As jy verkeerd vertolk of sommer aanneem dat jy weet wat Yeshua beveel, het jy dit reeds gemis. Ek het dit oor en oor gesien met baie eenvoudige instruksies. ‘Self’ is die skuldige! Dit was ‘n bonatuurlike gebeurtenis wat Moses misgeloop het as gevolg van ‘self’ en dit was ‘n bonatuurlike gebeurtenis wat ons besig was om mis te loop – tot ons dit gehad het presies soos Elohim beveel het. ‘Self’ was by my betrokke dat ek nie helder instruksies deurgegee het nie.

Wat ons moet besef, is dat as Moses nie in 'self' beland het nie, maar met die rots gepraat het soos hy aangesê was, sou dit die kinders van Israel verander het, of die omstandighede rakende hulle.

Dit beteken toekomstige gebeure sou gewysig gewees het. Ons ken die toekoms van hierdie korporatiewe liggaam en wat Vader vir ons het om te doen is beïnvloed deur wat gebeur het vanuit hierdie korporatiewe bonatuurlike geval. Dit was 'n nodige stap in Elohim se wil of plan vir ons om te voltooi, sodat ons kan aangaan na Sy volgende stap. Hierdie feit word openbaar in die *Korporatiewe Vloeikaart*, selfs nou!

Jare gelede het Yeshua vir Roy beveel om iets te doen. Hy het danksy 'eie ek' of 'ego' nie gehoorsaam nie en nou ontbreek 'n sekere bediening op aarde wat Yeshua daar wou hê. Bereken die verreikende gevolge van 'eie ek' of 'ego' deur te dink aan al die mense wat mettertyd deur een bediening geaffekteer kon gewees het. En wat van die mense wat deur daardie geaffekteerde mense geaffekteer kon gewees het? Dit kring oneindig uit! Dit is maklik om te sien dat die 'eie ek' of 'ego' in Roy teen die regering van YHWH was, teen Sy heerskappy en teen Sy vermoë om Sy volmaakte wil op aarde voort te bring!

Besef jy, dat as die apostel Paulus nie voor 'eie ek' geswig het nie, die boek van Handeling anders sou gewees het? 'n Mens kan jou nie die verrykende gevolge daarvan indink nie. Hou in gedagte soos jy hier lees, dat die vroeë gemeente nie vlekloos was nie en dat 'eie ek' of 'ego' teen die heerskappy van Yeshua te staan kom. Paulus self aan die woord:

**Hand 20:22,23** *En kyk, ek gaan nou gebind deur die gees na Jerusalem; en watter dinge my daar sal oorkom, weet ek nie, behalwe dat die Heilige Gees in elke stad kragtig getuig en sê dat boeie en verdrukkinge my wag.*

Let op dat die woord "gees" in, "ek gaan nou gebind deur die gees na Jerusalem" nie 'n hoofletter vooraan het nie. Dit openbaar dat hy in sy eie gees was, (daar staan ook siel in die strongs wat beteken dat dit 'n sielsbesluit was) sy eie wil ('eie ek' of 'ego'). Paulus sê selfs dat die Heilige Gees hom waarsku oor wat in elke stad wat hy sou ingaan met hom sou gebeur. Paulus het aanbeweeg na Tirus en die Heilige Gees het hom weer gewaarsku om nie Jerusalem toe te gaan nie!

**Hand 21:4** *En nadat ons die dissipels gevind het, het ons daar sewe dae gebly; en hulle het vir Paulus deur die Gees gesê om nie op te gaan na Jerusalem nie.*

Paulus beweeg verder na die huis van Filippus, die evangelis.

**Hand 21:9-14** *En hy het vier ongetroude dogters gehad wat die profetiese gawe besit het. En onderwyl ons baie dae daar oorgebly het, het 'n sekere profeet met die naam van Agabus van Judéa afgekom. En toe hy by ons kom, neem hy die gordel van Paulus en bind sy eie hande en voete en sê:*

*Dit spreek die Heilige Gees: So sal die Jode die man wie se gordel dit is, in Jerusalem bind en in die hande van heidene oorlewer. En toe ons dit hoor, het ons saam met die broeders van die plek hom gesmeek om nie op te gaan na Jerusalem nie.*

Paulus was nou nie net weer gewaarsku nie, maar spesifiek gesê wat sou gebeur! Paulus noem "*my hart*" en openbaar weer "*eie ek of ego*":

*Maar Paulus het geantwoord: Wat doen julle dat julle ween en my hart week maak? Want ek is bereid nie alleen om gebind te word nie, maar ook om in Jerusalem te sterwe vir die Naam van Yeshua die Messias. Toe hy dan nie oor te haal was nie, was ons tevrede en het gesê: Laat Vader se wil geskied!*

YHWH Elohim was nie bereid om Paulus te laat sterf nie, omdat Hy steeds planne vir hom gehad het. Vader het Sy leiding (hier 'n bietjie en daar 'n bietjie) met die rivier van lewe afgestuur deur die Heilige Gees om Paulus in Sy wil te lei, maar Paulus het op hierdie stadium geen aandag gegee aan die 'Sake van die Gees' nie. Hy het voor 'eie ek' of 'ego' geswig (hoogmoed van bediening). Paulus moes gestop het en al die 'Sake van die Gees' saamgevoeg het om te beseft dat hy nie op Vader se weg was nie en Elohim gevra het wat sy volgende stap moes wees. Weer eens is daar geen twyfel hieroor nie, soos in hierdie Skrif openbaar:

**Hand 21:4** *En nadat ons die dissipels gevind het, het ons daar sewe dae gebly; en hulle het vir Paulus deur die Gees gesê om nie op te gaan na Jerusalem nie.*

## **Miriam en Aaron**

Vader het Roy se aandag weer gevestig op Miriam en Aaron in 'n visioen tydens 'n vergadering. In die middel van die vergadering het Roy albei hierdie mense gesien, besig om Moses te konfronteer. Roy was self Moses vir 'n paar oomblikke en het die atmosfeer beleef toe hy deur Miriam en Aaron aangeval is. Hy het geweet dit was hulle, al was hulle ietwat wasig. Hulle woorde was baie en oorvleuelend. "*Ons het die Heilige Gees nes jy. Ons kan YHWH hoor nes jy. Ons weet hoe om YHWH te volg nes jy! Ons weet hoe om die Vloeikaart te hanteer net so goed soos jy.*" Daar was baie mense saam met Miriam en Aaron in die visioen en hulle het op Roy (as Moses) afgekom soos 'n groot bal, alles gelyk. Daar het geskrewe woorde saam met die regte stemme deurgekom. Roy vermoed dat sommige die werklike woorde van Miriam en Aaron aan Moses was, maar hy weet nie vir seker nie. Die gevoel van die atmosfeer wat deur Miriam en Aaron uitgestraal het was moeilik om te begryp; daarom kon hy nie 'n beskrywing daaraan gee nie totdat hy die gebeurtenis in die skrif gelees het.

**Numeri 12:1,2** En Mirjam en Aäron het teen Moses gespreek vanweë die Kusitiese vrou wat hy geneem het; want hy het 'n Kusitiese vrou geneem. 2 En hulle het gesê: Het YHWH dan maar alleen met Moses gespreek? Het Hy nie ook met ons gespreek nie? En YHWH het dit gehoor.

Roy sê toe hy lees: "Het YHWH dan maar alleen met Moses gespreek? Het Hy nie ook met ons gespreek nie?" was dit vir hom moontlik om heelwat van die atmosfeer stralend uit Miriam en Aaron in die toneel te identifiseer: arrogansie, trots, onderliggende beheer, en hy het 'eie ek' en 'ego' op groot skaal gesien. Miriam en Aaron was in 'eie ek' en 'ego'. Roy sê dat hy besef het dat hy baie deur hierdie skrifgedeeltes gelees het en nooit hierdie aspek van die insident opgemerk het nie.

Iets wat hier besef moet word, is dat 'eie ek' en 'ego' (trots) besig was om die regeerskap of heerskappy van YHWH aan te val. Aaron en Miriam het gedink hulle doen die regte ding, want na alles het Moses met 'n Kusitiese vrou getrou. ('n Volledige verklaring oor wie hierdie vrou werklik was en dat Moses nooit met haar gemeenskap gehad het nie, kan in ander Heilige geskrifte gelees word. Dit was 'n politieke huwelik op hom afgedwing – sy was nooit werklik sy vrou nie.) Hulle het verkeerde motiewe gehad en hul eie agenda, nie YHWH s'n nie. YHWH het Moses in 'n posisie van regeerskap gebring. Hy het Moses gesalf om die kinders van Israel uit gevangenskap te bring – 'n baie spesiale taak.

Nadat Miriam melaats geraak het, het Aaron berou gehad oor wat hulle gedoen het. Moses, alhoewel hy aangeval was, het sonder 'eie ek' en 'ego' en vol medelye vir Miriam se onthalwe tot YHWH geroep. In die twee gevalle van Moses se lewe waar hy (1) die rots slaan en (2) uitroep tot Vader vir Miriam, kan ons sien hoe maklik dit vir enige persoon is om op enige gegewe oomblik in 'eie ek' of 'ego' in te gaan. Moses se lewe openbaar beide om in en uit 'eie ek' of 'ego' te beweeg.





Terwyl Roy besig was om oor hierdie dinge te skryf, het hy 'n naggesig gehad waarin hy gekyk het na 'n prent van die *Heilige Plek* in die Tabernakel. Hy het geweet Vader wou hê dat hy dit weer moes noem. Roy het die skaduwee van 'n vlerk in die prentjie verander na die skaduwee van 'n Koning. Die hoofgedagte hier is: KONING!

As mens na die prent kyk wat die Heilige Gees na vore gebring het, sien jy dat 'eie ek' of 'ego' vir enigiemand uit die *Heilige Plek* sal hou. Hulle is onverenigbaar!

Nota: Een van 'eie ek' en 'ego' se kenmerke is hoogmoed en die neiging om ons eie gees te volg eerder as die "Sake van die Gees", aangebied deur die Heilige Gees volgens Sy wil.

Yeshua het vir Roy gesê: "Jy kan nie hand-in-hand met My wandel as my bruid en 'eie ek' of 'ego' hê nie.

## **Getoets soos Goud**

**Sag 13:9** *Dan sal Ek die derde deel in die vuur bring en hulle smelt soos 'n mens silwer smelt en hulle toets soos 'n mens goud toets. Hulle sal my Naam aanroep, en Ek sal hulle verhoor. Ek sê: Dit is my volk! En hulle sal sê: YHWH, my Elohim!*

Hier is 'n visioen wat Roy gehad het: Ek het goue mense op die nou weg gesien staan as 'n korporatiewe eenheid. Hulle was gefokus op Yeshua. Hy het ons deur 'n eenvoudige oefening geneem om 'n prent te gee van 'n korporatiewe liggaam wat baie nou saamgevoeg is tot 'n



eenheid en wat beweeg op Sy militêre opdrag vir Sy doeleindes. Dit gaan nie oor ons doeleindes nie, dit gaan oor Yeshua se doeleindes! Yeshua het jare gelede vir ons gesê: "Julle is in oorlog, of julle dit glo of nie!" Die geveg is Yeshua s'n! Kom ons doen ons deel, deur Hom die Opperbevelvoerder te laat wees!

Yeshua is die Koning van Sy Koninkryk, die Bevelvoerder van Sy Weermag; **Hy is die Een met die oorwinning, en die gevegsplanne.** Wanneer Yeshua geestelik oorlog voer, lê Hy stap vir stap instruksies uit, soos gesien met die profeet Esegïel. **Om korporatief, korrek in ooreenstemming, na te volg is die sleutel tot sukses, volkome sukses.**

Yeshua het met Roy hulle se groep gedeel op 9 Nov 2005, rondom volkome oorwinning en die vyand se totale neerlaag wat voortspruit uit 'n korporatiewe liggaam se gehoorsaamheid. Om Yeshua die *Aanvoerder van die Leër* te laat wees terwyl Hy stap vir stap instruksies gee in enige byeenkoms, bring oorwinning in wat Hy begeer. Die getroude bruid van die Messias beweeg slegs in Sy opdrag, sonder haar eie agenda. Een ding is seker, Yeshua moet die choreograaf wees, en elke stap gee tydens ons Gebeds- en Oasevergaderings van begin tot einde.

## Hoof Bevelvoerder

Ons kon meer van Esegïël se verhaal hier geplaas het, maar ons glo dat ons genoeg ingesluit het sodat ons kan sien hoe stap vir stap gehoorsaamheid groot resultate in geestelike oorlogvoering meebring. Ons wil aanbeveel dat jy hierdie deel van Esegïël verder lees, gedagtig aan *stap vir stap* instruksies en die volkome oorwinning wat daaruit kan voortspruit. **Onthou, die wapens van ons stryd is nie vleeslik nie!**

**Eseg 4:1-6** *En jy, mensekind, neem vir jou 'n baksteen en sit dit voor jou neer, en teken daarop 'n stad, naamlik Jerusalem; maak dan 'n beleëring daarteen en bou forte daarteen en gooi 'n wal daarteen op en stel laers daarteen op en lê stormramme daarteen aan rondom. Verder, neem jy vir jou 'n ysterpan en sit dit as 'n ystermuur tussen jou en die stad; en rig jou aangesig daarop, en dit sal beleër wees, en jy moet dit beleër. 'n Teken is dit vir die huis van Israel. Gaan lê ook op jou linkerkant, en sit daarop die ongeregtigheid van die huis van Israel; volgens die getal dae dat jy daarop lê, moet jy hulle ongeregtigheid dra. En Êk lê jou die jare van hulle ongeregtigheid op volgens die getal dae, drie honderd en negentig dae, dat jy die ongeregtigheid van die huis van Israel moet dra. En as jy met hierdie dae klaar is, moet jy, vir die tweede keer, op jou regterkant gaan lê...*

**Die volgende toneel openbaar waarheen die aardse liggaam van die Messias moet beweeg, om hand aan hand met Hom te wees.**


'n Visioen aan Roy gegee op **31 Oktober 2004**:

In hierdie toneel het Yeshua vir my gewys ek was of aan Sy voorkant, of na regs, of agter, of na links in plaas van reg langs Hom! Uiteindelik het ek by Hom aangesluit sy aan sy, op die Goue Nou Weg. Ek het geweet dat dit nie net ek was wat die probleem gehad het nie, maar almal.

Yeshua het gewag op ons as 'n korporatiewe liggaam om by Hom aan te sluit, daar te staan en dan sou Hy ons na die wêreld neem. In hierdie toneel het ek vir Hom gevra of daar enigiets was wat ons nodig gehad het en Hy het gesê: **"Kameraadskap as 'n liggaam, wat heelyd die doelwit voor oë hou. Onthou, dit is 'n splinternuwe dag."** (Ons moet verstaan dat dit Sy bediening aan die wêreld is en nie ons s'n nie.)

Nog 'n toneel aan Roy gegee op **8 Oktober 2005**:

Ek was in 'n hospitaalvertrek in Wichita, KS en het gestaan by die hoofinstrukteur agter die mans wat gesit het soos hier langsaan.



Die mans was almal dokters van die hospitaal en in fyn linne geklee. (Dit beteken dat hulle nie die drie vlekke gehad het wat Elohim openbaar het oor die algemeen op die Liggaam van die Messias is nie.) Die hoofinstrukteur (ook 'n dokter in fyn linne) het ongesiens met my gepraat oor die mans en het hulle selfs een vir een uitgewys, van die linkerhoek agter af soos hy gepraat het.

**Hy het gesê dat elke man korrek moes leer wat om te doen; dat almal verkeerd opgelei is; dat die opleiding nêrens in die wêreld reg gedoen is nie. Hy het beklemtoon dat elkeen individueel heropgelei moes word.**

Dit was toe dat hy na enkellinge gewys het, om seker te maak dat ek begryp. Ek het geweet dat hierdie dokters enigiets, ek bedoel enigiets, kon hanteer wat opduik. Hulle het stil gesit in 'n byeenkoms wagtende op die hoofinstrukteur om op te daag. Dit herinner my aan toe Yeshua vir my gevra het: **"Hoe lank is julle bereid om te wag?"**


Roy is ook hierdie toneel gegee op **15 Oktober 2005**: In dié visioen het ek uit die Woord gelees. Ek was besig om die mense vanuit die Woord te vertel wat om te doen en het terselfdertyd gesien wat hulle moes doen. Ek het mense op die goue weg gesien. Tot op hierdie punt het ek altyd die Goue Weg ver vooruit gesien strek. Hierdie was 'n deel van die Weg en dit verteenwoordig 'n korporatiewe byeenkomstyd. Hierdie mense het niks gedoen behalwe om te staan en wag, *gefokus op Yeshua*, wat beweeg het, verteenwoordig deur die wit in die middel. (Die volgende drie prente onthul die reeks.)




Ek het die goue mense (vel en klere), gelouter soos goud, soos een mens gesien draai om 'n tree met die nou weg op te neem saam met Yeshua.



Nes hulle begin het om korporatief 'n tree te neem, is hulle oombliklik in Yeshua opgeneem!



Met 'n groot ligflits het hulle een geword met Yeshua!



Hulle het nou saam met Yeshua beweeg as 'n korporatiewe liggaam!



In die toneel het ek besef dat as almal nie fisies, korporatief beweeg nie, soos die prent aandui met die 2de persoon in die ry, die inploffing in Yeshua in nie sou gebeur nie!



**23 Oktober 2005.** 'n Visioen deur Roy ontvang:

Ek het gekyk na 'n gesin (in kerkdrag), groter en met meer kinders as hier uitgebeeld. Hulle was besig om die vertrek te verlaat en ek het vir hulle gesê: **"Moenie uitgaan nie; julle kan dit doen. Dis regtig nie so moeilik nie!"**




Vader sê hier dat die *Liggaam van die Messias* kan leer om Hom dinge stap vir stap te laat beheer en ek moedig jou aan om dit te glo. Dit het in hierdie toneel vir my gelyk asof die jongste kind onder twaalf was. Selfs hulle kan leer.

Die volgende het gebeur tydens 'n gebedsbyeenkoms op **9 November 2005**:

### Kyk vooruit verby 'n wonderwerk, 'n insident op die Goue, Nou Weg

Elohim sê ons moet leer om verby 'n wonderwerk te kyk en voortbeweeg op die Nou Weg. Yeshua en ook die dissipels het dit op hierdie manier gedoen.

**Yeshua het ons deur 'n eenvoudige oefening geneem as 'n korporatiewe liggaam.**



Die volgorde van gebeure begin met **No. 1** hier bo. Roy het hierdie woord van Yeshua af ontvang terwyl hy op reis was, aan die voorberei vir die vergadering, dinkend oor ingaan by Yeshua sonder enige agenda van sy eie, omdat Hy die vergadering is soos Hy aan hulle verduidelik het.

**Nota no.9** Yeshua het aan hulle openbaar dat die patroon wat hul deurgegaan het, Sy volkome oorwinning sal oplewer in die oorloë waarby Hy hulle in die toekoms sou betrek. Om korporatief op te volg sal absolute oorwinning bewerk. Sy absolute oorwinning. **Krygsplanne** was Sy woorde!

## Wat sal dit verg?

Die Getroude Bruid van die Messias is beslis gelouter  
soos Silwer en getoets soos Goud!

### Getoets soos Goud:

**Sag 13:9** *Dan sal Ek die derde deel in die vuur bring en hulle smelt soos 'n mens silwer smelt en hulle toets soos 'n mens goud toets. Hulle sal my Naam aanroep, en Ek sal hulle verhoor. Ek sê: Dit is my volk! En hulle sal sê: YHWH, my Elohim!*

**Wat verg dit om gelouter soos silwer, getoets soos goud te wees?** Eers moet ons verstaan, dat wat Yeshua bepaal het die Getroude Bruid van die Messias op aarde moet wees, **vervul moet word**. Al die voorvereistes moet vervul word en die meeste van hierdie dinge is dwaasheid vir die vleeslike verstand. Maar Yeshua die Messias het deur aksie vervul wat Hy moes vervul. Hy kon nie sê: “Deur die geloof glo Ek dat Ek die Seun van YHWH is” en dit so laat gebeur het sonder om die voorvereistes te vervul nie. (Die aksies te doen)

Hy het die voorvereistes om die Seun van YHWH te wees, volkome vervul. Die Bybel sê: Spreuke. 16:12: ...“want deur geregtigheid word die troon bevestig”; hierdie is 'n voorvereiste, 'n wet om na te kom ten einde die troon te verkry en sodoende die plek van outoriteit. Yeshua het die geregtigheid van die Wet vervul en so wettiglik die troon verkry.

Die vleklose bruid moet die vereistes volkome nakom om 'n vleklose vrou te wees (deur haar dade). So kan sy wettig die posisie van die *Vrou van die Messias* op aarde behou en sodoende haar posisionele outoriteit. Daardie vereistes word deur Yeshua Homself openbaar deur die “Sake van die Gees”, want dit is tyd vir die Vleklose Bruid op aarde om te manifesteer. **Dit gaan alles oor ‘hand aan hand wandel’ met die Messias as Sy vleklose bruid.** As ons nie Sy vereistes vervul nie, is ons eenvoudig nie daar nie, al dink ons so!

Hier is dele van die antwoord om een van die mense ‘soos goud gelouter’, te wees:

- \* Niemand kan 'n eie agenda hê of dink aan hulle funksie of posisie in die Liggaam van die Messias nie.

- \* Fokus op Yeshua en gehoorsaam; Hy is die choreograaf van die hele byeenkoms!

- \* **Geen eie ek of ego!** Die beste prentjie is dat almal in die “Geheime Plek” moet wees.



\* Ons moet ook in die basiese beginsels wandel:

\* Ons kan nie enige van die drie hoofvlekke hê soos wat die Heilige Gees openbaar het daar op die gevlekte gemeente is nie. Dit beteken dat ons ons agterstallige skuld betaal het en voortgaan om Yeshua se tiendes korrek te hanteer. Ons moet verstaan en wandel in die meganika van: (1) tiendes, (2) redding en (3) hoe die Heilige Gees leer. As ons dink dat ons kan deurglip en een element (voorvereiste) uitlaat, het ons dit mis. **Yeshua kon nie enige voorvereiste van vervulling uitlaat nie**, en ons mag ook nie. Dit staan opgeskryf in Sion!

As voorbeeld: Roy hulle het onlangs iemand gehad wat opgehou het om op die korrekte manier tiendes te gee, maar wat voortgegaan het om in ander areas van hulle wandel dit korrek te doen. Hy het gesê dat soms as hy by hierdie persoon was, sou die Heilige Gees sê: **"Yeshua word nie bespot nie!"** In 'n visioen het die Heilige Gees dan eindelijk openbaar dat hierdie persoon homself oopgemaak het vir 'n vloed van die vyand. Die punt is dat hierdie persoon nie werklik deel was van die "mense soos goud gelouter" nie, al was hulle in dieselfde vergaderings teenwoordig.

Roy weet ook van 'n geval waar 'n prediker mense geleer het hoe om korrek tiendes te gee, maar die inligting rondom die agterstallige skuld uitgelaat het. Roy was nie seker waarom hy dit gedoen het nie. Dalk het hy nie tyd gehad nie. Wat hier besef moet word, is dat hierdie gebrek aan inligting die saak en funksie van die *Koninkryk van Yeshua* benadeel, omdat die vyand kan inkom om mense se lewens wettiglik te vernietig. Dit is belangrik dat almal in die groep al die vereistes nakom sodat ons korporatiewe effektiwiteit kan hê in wat Yeshua ons lei om as 'n korporatiewe liggaam te doen.

Die voorvereistes moet nagekom word om in die *Getroude Bruid van Yeshua* te wees. As ons nie daarin wandel om dit na te kom nie, is ons eenvoudig nie in die *Getroude Bruid van Messias* nie. Dis so eenvoudig en dit is een rede waarom Yeshua vir Roy beveel het om vir almal te sê om hulle oë op Bruidskap te rig! Dit is inderwaarheid 'n wetlike saak in die geestesrealm. Net soos dit 'n wetlike saak was in die geestesrealm t.o.v. die Messias wat op aarde as die Verlosser gevestig moes word. Hoe? Deur Sy dade van die vervulling van Vader se voorvereistes. Dit is dieselfde vir die Vleklose Bruid! Sy moet die vereistes van Yeshua nakom om in haar **Godgegewe posisie** in Sy Koninkryk te wees, punt! Hierdie posisie is 'n outoriteitsposisie wat die kerk nog nooit vantevore bereik het nie.

**Die Getroude Bruid van die Messias is gelouter soos silwer en getoets soos goud volgens Elohim se plan en vereistes! (Yeshua het openbaar: "Ons kan dit doen", dit is werklik nie so moeilik nie, soos openbaar in die herinneringstoneel aan die regterkant.)**





Yeshua het gesê,  
"Ek soek gehoorsaamheid, nie prestasie nie!"  
Is ons/jy gefokus op prestasie?

---

Yeshua het gesê: **"Smelting!"**



Yeshua het vir Roy hulle geleer oor hoe om in Hom op te groei. Hy het selfs vir hulle 'n lied gegee wat die gedagte daaroor bevat. Dit is beslis Bybels.

**Efes 4:15** *maar, terwyl ons in liefde die waarheid betrag, in alles sou opgroei in Hom wat die Hoof is, naamlik Messias: (Korrekte woord is spreek en nie betrag.)*

Die skrif openbaar dat ons in alle dinge in Hom moet opgroei. Hierdie inligting gaan oor die inligting om gesuiwer te word soos goud en in Hom as die Hoof in op te groei. Julle sal die belangrikheid sien van die hou van 'n Korporatiewe Vloedidiagram, want sonder om terug te kan kyk na die "Sake van die Gees" (in redelike detail), sou hulle Yeshua se openbaring totaal mis t.o.v. wat werklik gebeur het! Roy sê hy het niks meer geweet as wat hy in die "Self" artikel gerapporteer het nie, totdat hy na die *Korporatiewe Vloedidiagram* gekyk het. Toe was die prent duidelik te sien.

Sommige van hierdie inligting is dieselfde getuienis wat in die "Gehoorsaamheid sonder Eie ek of Ego" inligting voorkom, maar met groter helderheid. Daardie artikel is oor "eie ek of ego", maar hierdie inligting gaan eintlik oor wat Yeshua besig was om (aan hulle onbekend) te doen met die Take His Heart groep. Eintlik moet mens albei lees om 'n voller prentjie van gebeure te kry.

Hier is 'n visioen wat Roy op **20 Januarie 2006** gehad het: *Ek was in 'n Oase-byeenkoms waar ek 'n visioen gehad het van 'n spesifieke vrou (wie ek nie onthul het nie) wat in die groep nagmaal bedien het. Ek het geweet al die vroue sou moes bedien, een vir een, in toekomstige vergaderings. Ek het 'n onseker woord gegee rondom wat Yeshua aan my openbaar het oor die vrou wat bedien. Hulle moes bedien, sonder om iets te sê, tensy Yeshua iets gesê het.*



*Die onseker woord wat ek gegee het, het daartoe bygedra dat dit lank geneem het vir ons om Yeshua eindelijk te gehoorsaam (vanaf **20 Januarie 2006 tot 3 Maart 2006**). Die opdrag was werklik baie eenvoudig: “Laat die vroue nagmaal bedien en moet niks sê tensy Yeshua iets sê nie!”*



Roy vertel: “In ‘n bedieningsbyeenkoms op **29 Januarie 2006**, het Yeshua verskeie woorde gegee. Die eerste woord was “**beveel**”. Die wagter het gevra of daar enigiets oor ‘beveel’ was en sien toe “**smelting**”. Sy sien toe ook “**roep dit na vore**”. Sy het smelting na vore geroep en toe gesien “**nou, gaan**”. Aan die einde sien sy: “**Ek het dit gespreek!**” Ek onthou hoe ons almal moedeloos na mekaar gekyk het en ons het gepraat oor die woord “**smelting**”. Ons het op daardie stadium geen idee gehad waarvan Yeshua gepraat het nie. Dit is ‘n goeie demonstrasie van hoe die Heilige Gees *hier ‘n bietjie, daar ‘n bietjie* gee. Natuurlik is dit maklik om te sien, as ons terugkyk na hierdie inligting en nadat ons daar deur is, wat ons deurgemaak het. As ons terugkyk, het Yeshua gepraat oor die opdrag wat Hy gegee het dat die vroue nagmaal (brood en wyn) moet bedien en dat hulle niks moet sê tensy Yeshua self iets sê nie. Hy het openbaar dat Hy ‘n bevel gegee het en dat ons die smelting na vore moes roep. Die “**smelting**” was in Yeshua se plan, alhoewel ons op daardie tydstip geen begrip daarvan gehad het nie.

“Samevattend van sommige informasie in “Gehoorsaamheid Sonder Self” het ons drie vergaderings gehad voordat ons uiteindelik gedoen het wat Yeshua wou hê ons moes doen. Die gevolg was totale gehoorsaamheid in stilte, wat die resultaat opgelewer het wat Yeshua wou hê. Na ons korrekte optrede, het ons vir ‘n wyle stil daar gesit en ek was oortuig om nie eens te bid nie, maar net op Yeshua te wag. Hy was vroeër daar in die vergadering. Dit was meer as ‘n salwing, dit was ‘n onbeskryflike bonatuurlike gebeurtenis (by gebrek aan ‘n beter beskrywing).

Dit was nie voordat ek teruggegaan het na die *Korporatiewe Vloeidiagram* om alle inligting rondom die ‘*Eie ek*’ of ‘*Ego*’ artikel te bevestig, dat ek die woorde “**beveel**” en “**smelting**” gevind het nie. Toe het die korrekte prent voor my oë gevorm. Ek was verheug dat ek nog begrip gekry het rondom die bonatuurlike gebeurtenis.

In ‘n vorige artikel, *Hoof Kommandeur*, vind ons hierdie prente van mense ‘soos goud gelouter’. Dit was met hierdie prente vanuit die *Korporatiewe Vloeidiagram* en die inligting wat Yeshua gegee het in die byeenkoms op 29 Januarie 2006, wat die woord “**smelting**” bevat het, dat die prent baie eenvoudig saamgestel is. Ek is die volgende toneel gegee op **15 Okt. 2005**, dus sien ons hoe ver ons soms moet terugblaai in die *Korporatiewe Vloeidiagram* vir begrip.

In die **eerste toneel** sien ons goue mense wat almal gefokus is op wat Yeshua (verteenwoordig deur die wit in die middel van die nou paadjie) doen. In die middel van die nou paadjie is die Korporatiewe Vloedidiagram soos in ander artikels beskryf. Yeshua het redelik vinnig op daardie paadjie beweeg en die enigste manier wat ek dit kan uitbeeld is as 'n wit **waas**, wat omtrent al is wat ek gesien het. In die visioen het ek Hom in 'n waas of streep gesien beweeg.



Yeshua gee 'n bevel aan die korporatiewe liggaam en in perfekte eenheid draai hulle na die rigting waarin HY met die paadjie langs beweeg het. Dan, soos weerlig is hulle by Yeshua ingeplof, soos die uitbeelding voorstel.

Die inploftoneel van die *Smal Goue Weg* se kleur kan nie korrek beskryf word nie. Dit was intens, helder wit en deursigtig, omdat goud in sy suiwerste vorm deursigtig word.

As ons alles bymekaar bring, sien ons dat hierdie korporatiewe liggaam as 'n groep uiteindelik 'n baie belangrike bevel van Yeshua gehoorsaam het. Ons oë het eindelijk gefokus geraak op wat Yeshua wou hê. Alles het gelyktydig gebeur! Ons het uiteindelik in reaksie op die bevel in geloof opgetree, korporatief. Ek onthou dat Yeshua gesê het: **"Julle kan nie met My getroud wees sonder om gefokus te wees op wat Ek doen nie!"**

Elohim sê dat in 'n huwelik die twee een word. Hierdie uitbeelding toon dat dit waar is. Die Bruid van Yeshua is 'n korporatiewe liggaam, dus moet dit korporatief gedoen word! As selfs net een persoon nie ten volle in eenheid is met wat Yeshua beveel, soos die toneel langsaan uitbeeld nie, sal dit nie werk nie.



Een persoon wat dit mis, onderbreek die volmaaktheid in gehoorsaamheid en die hele groep mis Yeshua se bonatuurlike seën.

**Bybel verwysing:** Israel het nie 'n seën ontvang nie, omdat Moses die rots geslaan het in pleks daarvan om met dit te praat. (Sien **Gehoorsaamheid sonder 'eie ek' of 'ego'** inligting)

Let op dat in die laaste toneel die goue mense nie teruggeval het uit Yeshua uit nie, maar daar gebly het. Yeshua het met ons gedeel oor om ons voete in die nou weg versenke te hê, wat te doen het met die *Korporatiewe Vloeddiagram*. Ons is beslis as 'n korporatiewe liggaam nou anders as wat ons was en dit word gereeld in besprekings geopper.

Iets bonatuurliks het voortgevloei vanuit 'n bonatuurlike gebeurtenis en dit verdwyn nie. Dit moes gebeur en het toekomsgebeure in ons lewens verander.

Efes 4:15 *maar, terwyl ons in liefde die waarheid betrag, **in alles mag opgroei in Hom** wat die Hoof is, naamlik Messias.*

## Smelting – stilte


Onthou asseblief om uit te kyk vir die volledige prent deur die Heilige Gees verskaf, maar weet dat daar onafhanklikes in daardie prent is. Die volgende inligting sal meer insig gee rondom vergaderings, geestelike oorlogvoering en Koningskap. Ten opsigte van die muurskildery van die webwerf, sal hierdie artikel 'n legkaartstuk wees wat raak aan die onderwerpe, soos regs uitgebeeld.



## Ons het die “Dag van YHWH” binnegegaan!

Sefanja 1:7 *Swyg voor YHWH Almagtig! Want die dag van YHWH is naby;...*

Jare gelede het Yeshua openbaar dat sommige vergaderings in New York goud was, maar dat daar steeds iets gekort het. Roy het geen idee gehad waarvan Hy gepraat het nie, want hy het nie die prent wat Yeshua vir hom gegee het, verstaan nie. (Hierdie is slegs 'n glimp van wat hy gesien het.)



In die *Goue Vergaderings* inligting het Roy onthul dat Yeshua bevestig het dat dit 'n onvolledige huisplan was. Ons huis verteenwoordig wat ons glo en in hierdie geval, wat geglo is 'n goeie byeenkoms was, was uitgewys as nie volledig soos wat Yeshua gesê het dit moet wees nie. Deur die jare het Yeshua meer openbaring verskaf oor die prent – meer van Sy huisplan vir vergaderings.

Yeshua het gesê: **“Ek gee vir julle grense sodat julle My kan vind!”** Hierdie prent het onthul dat ons nie die grense gehad het wat nodig was om te vervul wat ontbreek het nie.


In New York het Roy nie die grense geken nie; niemand daar het dit geken nie, maar Yeshua het sedertdien meer openbaar.

Een keer het Yeshua vir Roy gesê om 'n vierkant te teken en alles wat vereis word om Sy Bruid te wees, daarbinne neer te skryf. *“Wat ek gesien het, was 'n soliede goue vierkant. Die soliede goue vierkant verteenwoordig die grense wat ons nie mag oorskrei en steeds in die Getroude Bruid wees nie.”* Roy het verstaan dat jy uit die vierkant kon tree en weer terug, maar hy het ook geweet dat jy nie te lank uit kon wees nie, of Yeshua sou jou skei, net soos Hy met Israel gemaak het toe sy so lank ongehoorsaam was.

**WAT DIT VERG OM IN  
DIE BRUID TE WEES**

Jy sien, jy kan eenkeer 'n *Goue Byeenkoms* hê en dan is die volgende een dalk nie goud nie. Ons kan vir 'n tyd lank as Bruid wandel en dan terugkeer na hoerery, alles as gevolg van ons aksies. Dit kom alles op 'n eenvoudige vraag neer: Het iemand, of die hele korporatiewe liggaam, uit die grense getree, individueel en/of korporatief. Was daar ongehoorsaamheid?

Hierdie inligting was vir Roy baie opwindend, omdat dit sommige van die hoekom's openbaar oor wat Vader hulle vertel het van Smelting:— om in Hom in te beweeg en die belangrikheid van stilte op sekere tye. Ons moet begryp dat Israel in Smelting ingegaan het, of dat hulle reeds in Smelting was met Vader by die slag van Jerigo. Die geveg was deur YHWH gewen. Israel, as 'n korporatiewe liggaam, het geestelike oorlogvoering gedoen in opdrag van YHWH. Was daar geen Smelting tussen Yeshua en Sy aardse weermag nie, sou die mure nie geval het nie! Daar is grense ten einde *Smelting* met Yeshua te bewerkstellig oor wat Hy besig is om te doen. Tree buitekant daardie grense en *Smelting* vind nie plaas nie, of hou op plaasvind. Die Korporatiewe *Smelting* met Yeshua verteenwoordig ook simbolies met Yeshua getroud te wees, deurdat die Korporatiewe Liggaam een word met Yeshua in wat Hy besig is om te doen.



*Gen 2:24 Daarom sal die man sy vader en moeder verlaat en sy vrou aankleef. En hulle sal een vlees wees.*

Daar is 'n element openbaar in die *“Deur die Vuur”* en *“Yeshua se Smelting”* inligting wat van groot belang is om te begryp: Die stilte met betrekking tot die binnegaan van Yeshua en wat Hy doen. Op **5 Oktober 2007**, gedurende 'n Oase-byeenkoms, het die Heilige Gees aan Roy openbaar waarom stilte betrokke was by *Smelting* met Yeshua en waarom stilte betrokke is tydens die instap in Hom in (Hom as die byeenkoms).

Die rede vir stilte is omdat Yeshua Heilig is. Wat ons glo kan nie hierdie feit verander nie, dus moet ons die belangrikheid van stilte as 'n komponent sien, veral wanneer Yeshua stilte in Sy instruksies openbaar. Roy hulle het nie die eerste *Smelting* bereik voordat hulle absoluut stil geword het in hul korporatiewe optrede nie. Hoewel hul die handeling meer as eenkeer gedoen het, was daar geen Smelting met Yeshua in oorlogvoering voordat hulle die vereiste stilte gehad het nie. Hoekom? Want Hy is Heilig!

Kom ons kyk wat het gebeur om die mure van Jerigo te laat val. Ons beveel aan dat jy die hele verhaal lees, vanaf Joshua 5:13, maar vir ons doeleindes hier, kom ons kyk na waar Joshua instruksies aan die weermag gee.

Elohim het aan Joshua opdrag gegee en nou gee hy weer die instruksies aan die weermag:

Joshua 6:7-10 *En aan die volk het hy gesê: Trek op en gaan om die stad; maar die gewapendes moet voor die ark van YHWH optrek. En net toe Josua dit aan die volk gesê het, het die sewe priesters, die draers van die sewe ramshorings, opgetrek voor die aangesig van YHWH en geblaas op die horings, terwyl die verbondsark van YHWH agter hulle aan gaan. Die gewapendes het ook voor die priesters getrek wat op die horings geblaas het, terwyl die agterhoede agter die ark aan gaan en daar gedurig op die horings geblaas word. **En Josua het aan die volk bevel gegee en gesê: Julle mag nie skreeu of julle stem laat hoor nie, en geen woord mag uit julle mond uitgaan nie tot op die dag dat ek vir julle sê: Skreeu! dan moet julle skreeu.***


Die kamp van Israel was net buitekant die mure van Jerigo en vir ses dae het die weermag rondom die mure gemarsjeer soos beveel en op die sewende dag het hulle sewe keer rondom die stad beweeg en toe die stadium bereik waar Joshua die bevel gegee het dat Israel moet skree. Die mense het die trompette gehoor, geskreeu en die mure het platgeval.

Was stilte nodig? Ja, verseker! Die hele weermag het nie 'n geluid gemaak uit hulle monde vir sewe dae nie. Kyk na wat Joshua beveel het:

**10 En Josua het aan die volk bevel gegee en gesê: Julle mag nie skreeu of julle stem laat hoor nie, en geen geluid mag uit julle mond uitgaan nie tot op die dag dat ek vir julle sê: Skreeu! dan moet julle skreeu.** (korrekte vertaling)

Die rede waarom hulle nie 'n geluid mog uiter nie, is omdat YHWH Heilig is en Hy het op die toneel verskyn om oorlog te voer namens Israel, om sodoende Sy belofte na te kom. Die korporatiewe weermag moes *Smelting* met Yeshua bereik, deur in te beweeg in dit wat Hy besig was om te doen, net soos Hy aan Roy hulle gewys het.

As ons kyk na die prente van *Smelting* soos gegee deur die Heilige Gees, geopenbaar in die *Smelting* artikel, wat was Yeshua besig om te doen op Sy goue weg? Hy was besig om



Jerigo oor te lewer soos Hy belowe het en die *Korporatiewe Weermag van Israel* het in Yeshua inbeweeg. Dit het *Smelting* en oorwinning vir Israel bewerkstellig. Toe Roy die oorspronklike toneel gesien het van die *Smelting* van die mense in dit wat Yeshua besig was om te doen op die *Goue Weg* in (soos gesien in die prent aan die regterkant van lig wat uitplof), het hy geweet daar word 'n groot hoeveelheid energie vrygestel wanneer ons inbeweeg by wat Yeshua doen.

Israel het nie van die buit geneem soos hul bevel was nie, maar in die volgende hoofstuk was Agan ongehoorsaam en het van die skatte onder sy tent begrawe. Hy en sy familie het hierdeur hul lewens verloor en die weermag van Israel het manne verloor, heeltemal die teenoorgestelde van wat by die slag van Jerigo gebeur het. Agan het die persoon geword wat uit sinchronisasie/stap was (sien die tweede persoon aan die voorkant in die prent van *Smelting* uitgebeeld). Dus, geen *Smelting* meer met YHWH nie. Israel was in verbond deur gehoorsaamheid – sy was getroud. Ons weet dat YHWH Israel later geskei het as gevolg van haar ongehoorsaamheid. Dit is alles 'n toneel wat nodig is om te begryp.



Ons moet bewus wees van die belangrikheid om stilte te verstaan omdat YHWH Heilig is. Toe Roy die *Deur die Vuur* artikel hersien het, het hy die toneel opgemerk van al die dokters wat in stilte op hul instrukteur gewag het. In die toneel was hy vertel dat hulle almal heropgelei moes word, dat geen mens geweet het wat Vader wou hê, op Sy manier nie.



Vir meer beligting van vergaderings en *Smelting* met Yeshua, glo ons hierdie is 'n goeie plek om iets te deel wat in 'n byeenkoms van Roy hulle gebeur het. Dit het te doen met almal in sinchronisasie wees, of nie uit stap uit wees nie, soos uitgebeeld deur die tweede persoon aan die voorkant van die vorige *Smelting* prent.


Onthou dat Vader ten opsigte van vergaderings gesê het: “**As iets verkeerd gaan, of van die korrekte weg afbeweeg, moenie daarvan 'n bohaai maak nie, bring dit net terug op koers.**” Roy vertel: “Ons was in 'n Oase byeenkoms en Yeshua het 'n sekere manier openbaar hoe nagmaal gehou moes word. 'n Persoon het vergeet om hul selfoon af te skakel en 'n kleinseun het geskakel, net toe ek begin onderrig gee.

Die persoon het nie die telefoon geantwoord nie, maar toe lui dit weer en die persoon was bekommerd dat iets verkeerd was en het die vertrek verlaat om dit te antwoord. Die van ons wat agtergebly het, het niks gesê nie en ek het gewag vir die persoon om terug te keer voordat ek die onderrig gegee het. (Ek was geseënd dat niemand gepraat het of 'n geluid gemaak het nie, want enigiets sou die byeenkoms se aandag afgetrek het van Yeshua en wat Hy wou hê.) Die persoon het teruggekeer en ek het die instruksies vir die nagmaal gegee. Al hierdie dinge, nagmaal ingesluit, is in stilte gedoen behalwe vir die instruksies.

“Die volgende oggend het die Heilige Gees vir my 'n toneel gegee van 'n korporatiewe liggaam, dig saamgevoeg. Ek kon arms en bene sien, maar hulle was saamgepak sonder lugspasie tussen die mense. Dit was 'n *Korporatiewe Liggaam* in lewende lywe wat volmaak as 'n eenheid beweeg het. Die mense se velkleur was dieselfde as die klere wat hul gedra het. Ek het gesukkel om die kleur te beskryf – wit met 'n tikkie silwer, of silwer met 'n tikkie wit. Dit het my aanhou pla en ek het geweet dit was die Heilige Gees wat by my aangedring het om die boodskap van die kleur na my te laat deurdring. Later het ek besef dat die kleur dieselfde kleur was wat ek in die inploffing van lig gesien het toe die mense inbeweeg het in wat Yeshua besig was om te doen op die goue weg in die *Smelting* toneel. Ek het geweet dat dit gegaan het oor wat die vorige aand in die byeenkoms gebeur het. Die Heilige Gees wou ons laat besef dat ons korrek gewandel het in wat vir ons gesê was: “As iets verkeerd gaan of van die korrekte weg afbeweeg, moenie daarvan 'n bohaai maak nie, bring dit net terug op koers. Ons het *Smelting* behou en 'n groot deel van daardie vermoë was danksy ons stilte voor Yeshua.

Later het die persoon wat die selfoonoproep ontvang het my geskakel om verskoning te vra en opgemerk dat ons met die byeenkoms moes aangegaan het. Ek het verduidelik dat as ons dit gedoen het, sou ons uit sinchronisasie gewees het as 'n korporatiewe liggaam en sou ons dus nie die *Smelting* behaal het in wat Yeshua ons beveel het om te doen m.b.t. nagmaal nie. Vir verdere beligting moet opgemerk word dat Yeshua gesê het: “Julle kan nie met My getroud wees sonder om gefokus te wees waarop Ek gefokus is nie!” As iemand tydens daardie goue byeenkoms iets sou gesê het en die korporatiewe fokus afgewend het van wat Yeshua se fokus vir ons was, sou ons *Smelting* (ons getroude status) verlaat het, net soos Yeshua gesê het: “Julle kan nie met My getroud wees sonder om gefokus te wees waarop Ek gefokus is nie!”


Roy het hierdie inligting tot op dié punt neergepen en toe ontvang hy die volgende visioen vanaf die Heilige Gees: Op **6 November, 2007**: “In die nag was vir my 'n toneel gewys met voortdurende aktiwiteit. Ek het daaruit wakker geword en nadat ek daarvoor gedink het, het ek 'n visioen gehad.






Dié visioen het veroorsaak dat ek die detail van die eerste toneel begin vergeet het, dus ek het alles wat ek daarvan kon onthou, neergeskryf. In die volgende visioen het ek binnekant 'n sirkel wat gelyk het soos 'n sirkelvormige (rekenaar) toetsbord gestaan, maar die toetse was gevorm soos grafstene met 'n geronde (konvekse) bokant. Ek sal na hulle verwys as toetse. Die toetse was wyer, in verhouding met die lengte, as op 'n gewone toetsbord.

In elk geval, my aandag was gevestig op drie van die toetse, omdat hulle anders was, want iets was besig om met hul te gebeur wat nie met die ander toetse in die sirkel gebeur het nie. Die drie was langs mekaar en hulle kleur het verskil met die res. Ek het na die drie toetse geloop en hulle opgelig soos 'n deksel wat skarniere aan die agterkant gehad het en het mense gesien wat met mekaar geklets het.



Ek het die deksels teruggesit en met my hand beduie dat hulle uit die sirkel en na die regterkant beweeg moes word. Die kletsende mense kon nie bly nie. Ek het die drie gesien opig en uitbeweeg na my regterkant, wat 'n gaping in die sirkel gelos het.



Ek het die sirkel van naby gesien en nou was dit kleiner as wat dit oorspronklik was. Dit was toe dat ek geweet het dat al hierdie dinge plaasgevind het in die opleidingskamp op *die Heuwel* wat Yeshua die *Plek* noem.



Toe ek uit die visioen kom, het drie liedjiefrases by my opgekom:

*'n Oase het U gesê sou dit wees  
En 'n opleidingskamp sou ons ook sien.  
Want in U leër verkies ons om te wees....*

Alles vanuit 'n lied getiteld: A HILL CALLED "THE PLACE" ('N HEUWEL GENAAMD: "DIE PLEK") gegee in Julie 1991.

As gevolg van die inligting openbaar deur die "Sake van die Gees" in die *Korporatiewe Vloeiagram*, is die betekenis van die simboliek eenvoudig: Die grafstene het te doen met die afsterwe van 'eie ek' of 'ego'. Onthou, Yeshua het gesê dat ons nie hand aan hand met Hom kan loop en 'eie ek' of 'ego' kan hê nie. Niemand in die weermag van Israel het 'eie ek' of 'ego' gehad tydens die slag van Jerigo nie. Ons moet ook onthou dat die weermag van Israel die weermag van YHWH was, net soos ons die weermag van YHWH moet word.



Ons is in die proses om te leer om in YHWH se weermag te wees en soos die liedjiefrase (*Want in U leër verkies ons om te wees....*) moet ons **besluit** om in Sy weermag te wees. Dit gebeur nie outomaties nie. Die weermagte van die wêreld het reëls om dissipline te behou of hulle sal chaos hê en nooit 'n slag wen nie. Elohim openbaar grense of riglyne sodat ons Sy militêre eenhede kan handhaaf sonder chaos en Hy die veldslag kan wen soos met die Slag van Jerigo.

Die visioen wat plaasvind in die opleidingskamp op *die Heuwel* wat Elohim *die Plek* noem het my herinner aan een van die hoof strewes ten opsigte van *die Plek*.

Elohim het gesê: “Om ‘die Bruid’ te voorskyn te bring is die belangrikste gebeurtenis” en dat dit ‘n voortdurende proses sou wees. Die opleidingskamp is ‘n praktiese leerervaring en die enigste manier om alles te leer wat in die Kits Gids is, is om dit te begin doen. Dan sal jy ‘n opleidingskamp ervaring hê.

Die sirkel verteenwoordig verbond. Die indruk van ‘n toetsbord het betrekking op Yeshua wat enige van die sleutels kan speel in enige kombinasie wat Hy wil, nes vandag se militêre groepe verskillende eenhede op verskillende tye gebruik. Omdat daar groepe mense onder elke grafsteen was, weet ek dat hierdie stene ook militêre eenhede verteenwoordig.




Die gebrek aan stilte is die rede waarom die mense uit die opleidingskamp gegooi is. STILTE is een van die grense of sleutels om nie weggeneem te word van die fokus op Yeshua in ‘n byeenkoms nie. Hierdie grens help ons gefokus bly op dit waarop Yeshua gefokus is. Stilte is ‘n noodsaaklike element om te begryp wanneer in Yeshua inbeweeg word (*Smelting*) wanneer Hy oorlog voer, soos in die slag van Jerigo openbaar. Daar is ‘n tyd vir stilte – omdat Hy Heilig is!


Sefanja 1:7 Swyg voor YHWH! Want die dag van YHWH is naby... (King James vertaling sê: *Swyg in die teenwoordigheid van YHWH!*)

## Militêre eenhede

Roy vertel: In ‘n droom het ek gekyk na ‘n pas gegrawe sloot wat oor die land strek met hittepompe op sekere plekke daarin. Die hittepomp-eenhede was verbind met groot buiswerk en dit was alles in militêre groen. Regs is ‘n voorbeeld van wat ek gesien het. Die hittepompe was baie verder uitmekaar, maar jy sal die idee kry. Wat jy sien, het oor inhamme en paaie gegaan soos dit oor die land gestrek het. Ek het gekyk na wat gebou moes word in die sloot.




Toe verander die toneel na die vars gegrawe sloot, met niks daarin. Ek het lieflike water die sloot sien binnevloei. My aandag was by die oostekant van die sloot. Ek het drie of vier mans in pakke geklee in die water sien spring en hulle het begin gekseer en speel. Ek wist dit was nie goed nie en het gedink: **“Hulle behoort dit nie te doen nie, want hierdie is ernstige sake.”**



Ek het gewonder wat dit alles beteken toe die toneel verby was. Yeshua het oor verskeie daaropvolgende dae begin om vir my die interpretasie te gee. Om met mense te praat wat in die weermag was, was een ding wat die Heilige Gees gebruik het.

Die water is die *Rivier van Lewe* wat betrekking het op die inligting in die *Kits Begingids*, plus kennis van die *Smeltingsinligting*, ens. Die toneel beeld militêre eenhede uit wat Yeshua regoor die aarde wil saamstel. Hierdie eenhede sal deur Hom beheer word en kan verskeie verskille in hulle werk hê, net soos die wêreld



se weermagte. As gevolg van die hittepomp simbool met die pypleiding langs wat so groot is weet ons die eenhede het almal dieselfde atmosfeer. Dit het betrekking op die inligting aan die einde van die boek: *“Kits Begingids”* oor die skep van die korrekte atmosfeer tydens ‘n ontmoeting met Yeshua. Die pypleidings simboliseer ook om styf saamgevoeg te wees, wat betrekking het op ‘n *Korporatiewe Vloeidiagram*. Roy het vir ons ‘n toneel ingesluit wat wys dat die pypleiding en die verbinding van al die eenhede ondergrond versteek is.

Hy het in die watertoneel die militêre eenheid uitgebeeld wat saamgestel moet word waar die manne net gekseer met die “Sake van die Gees”. Hierdie is manne wie die gegewe inligting ontvang het, maar niks daarmee doen nie. Hulle doen hul eie ding! Hierdie is ‘n ernstige saak waarmee Yeshua besig is, vir baie mense ‘n saak van lewe en dood. Dit is bo hierdie spelende manne se vuurmaakplek wat hulle begrip betref. Yeshua is hier op Sy Wit Perd om oorlog te voer en Hy vereis dat Sy militêre eenhede, net soos die weermag van Israel by die slag van Jerigo, hom gehoorsaam. Hy was toe op die toneel om oorlog te voer, net soos nou in hierdie Eindtyd. Ons het die tydperk bereik wat in die Bybel genoem word die “Dag van YHWH” en Hy het begin om Sy weermag op te bou vir oorlogvoering!

Die voltooide militêre eenhede wat oneweredig oor die land gespasieër is, het betrekking op die inligting in die *VERGADERINGS – OP DIE NOU WEG* artikel waar Yeshua gesê het: **“Bou vir My een hier,”** terwyl Hy wys na spesiale plekke regoor die aarde waar Hy iets gebou wou hê.

Ons moet begryp dat dit Elohim is wat oorloë aanhits, nie ons nie. Israel het nie die Slag van Jericho aangehits nie, YHWH het. Hy het dit aangebring. Hy doen nou dieselfde, ons het dit ervaar.

## Die Heer van die boek van openbaring

Op 26 September 1989, het Roy die volgende visioen gehad: “Ek het ‘n volgroeide man omtrent ‘n straatblok verder gesien staan met Sy swaard in Sy hand. Die swaard was aan Sy sy met die punt na die grond. Op daardie stadium het ek die swaard ‘n septer genoem, want die swaard het outoriteit gehad soos ‘n septer. Hy was ‘n krygsman, maar het geen skild of helm gehad nie, net die tweesnydende swaard wat alle gesag gehad het. Ek weet nie hoe om Sy klere te beskryf nie behalwe om te sê dat dit sterkte uitgebeeld het en van leer gemaak was. Ek het geweet dat ek kyk na die *Heer van die Boek van Openbaring*, niemand anders as Yeshua die Messias nie! Hy het op hoër grond as ons gestaan wagtende vir ons om na Hom toe te kom.”



### Die Heer van die Boek van Openbaring het alle gesag gehad!

“Vader doen nooit enigiets doelloos nie, dus het ek geweet daar was ten minste een rede waarom ek die *Heer van die Boek van Openbaring* getoon is. Eers onlangs, omtrent agtien jaar later, toe ek inligting bymekaarvoeg om te skryf oor Yeshua se weermag wat by Jerigo saam met Hom in geestelike oorlogvoering getree het, is my aandag op die volgende gevestig:

Josua 5:13-15 *En terwyl Josua by Jérigo was, slaan hy sy oë op en kyk, en daar staan ‘n man teenoor hom met ‘n ontblote swaard in sy hand; en Josua het na hom gegaan en hom gevra: Behoort U by ons of by ons vyande? En Hy sê: **Nee, maar Ek is die leërowerste van YHWH; Ek het nou gekom.** Toe val Josua met sy aangesig op die grond en buig hom neer en vra Hom: Wat wil my Heer aan sy dienskneg sê? Toe sê die leërowerste van YHWH vir Josua: **Trek jou skoene van jou voete af, want die plek waar jy op staan, is heilig. En Josua het so gedoen.***


Yeshua het dus op die toneel verskyn; Josua het Hom Heer genoem en die grond het heilig geword met die manifestasie van Yeshua. *Dit gebeur nie met die grond wanneer engele verskyn nie en engele van Yeshua laat mense nie toe om hulle te aanbid nie. Yeshua was dus self op die toneel om oorlog te voer!*

Josua het Hom met 'n swaard gesien, net soos Roy *die Heer van die Boek van Openbaring* met 'n swaard gesien het.

Yeshua is nie die skepper van verwarring nie en dit is veilig om te sê dat *die Heer van die Boek van Openbaring* net sulke groot dinge en selfs nog groter sal doen in ons leeftyd, soos Hy gedoen het met die slag van Jerigo. Hy wil hê Sy Bruid moet Sy weë verstaan deur die grense te ken, om op Sy opdrag perfek in te tree by dit wat Hy doen, net soos die weermag van Israel gedoen het by die slag van Jerigo.

Deur die “Sake van die Gees” weet ons dat die Wit Perd nou hier is. Alles wat die Wit Perd uitbeeld is nou in werking. Die Wit Perd met Yeshua op sy rug is al verskeie kere in Roy hulle se vergaderings gesien staan en deur verskillende persone. Yeshua is hier soos Hy was by die Slag van Jerigo. Hy is hier op 'n ander wyse. Roy het gepraat hieroor met sekere voorbidders buite hulle bediening en hulle het saamgestem dat dit anders is in die geestesdimensie. Yeshua is hier om Sy Bruid op te rig, om oorlog te voer, en om Sy Woord voort te bring soos uiteengesit in die Boek van Openbaring.


Die swaard wat Roy gesien het toe Hy *die Heer van die Boek van Openbaring* gesien het, is dieselfde swaard wat hy Yeshua gesien dra het op die Wit Perd van Openbaring 6 en 19. Yeshua is nie die skepper van verwarring nie. Die Wit Perd van Openbaring 6 dra 'n boog wat verbond simboliseer, net soos die reënboog verbond simboliseer en



End aansig van die brug

net soos die konvekse oppervlaktes op die brug om oor te gaan verbond simboliseer. Verbond is hoe ons oorbeweeg in die Koninkryk van Yeshua in. Dit is waarom die Heilige Gees nou openbaar hoe ons met Yeshua in verbond tree – hoe ons met Hom getroud raak. Dit word op Yeshua se kalender deur Sy Gees openbaar! Sien *Onbekende Waters*.

Die ander perde in Openbaring 6 is ook deur Yeshua gestuur, net soos die doodsengel na die eersgeborenes van Egipte gestuur is. Israel moes YHWH gehoorsaam en die bloed van 'n lam aan hulle deure verf, of daardie doodsengel sou ook hul eersgeborenes gevat het. Dit is nou dieselfde geval deurdat Yeshua die nuwe verbond voortgebring het – deur Sy Bloed verseël. Christene moet



ingaan in daardie bloedverbond in deur gehoorsaamheid om beskerm te word gedurende die tydperk van al die ander perde in *Openbaring* ses en die eintyd. *Die Heer van die Boek van Openbaring* wag op Christene om te kom na waar Hy nou in Sy oorlog is. Die Oorlog is Yeshua s'n!

## Individuele/Korporatiewe Goue Vergaderings

**‘n Woord van Yeshua op Donderdag, 23 Mei 2013:** Wees gehoorsaam en luister na My bevele. oefen julleself om My te hoor. Stilte is ‘n sleutel om My te hoor. Geloof is ‘n sleutel om My te hoor. Gehoorsaamheid, stilte en geloof, hierdie is die sleutels tot dissipelskap. My dissipels is gedisiplineerd in My weë en My dissipels hou vas aan elke woord wat Ek spreek. My dissipels het My lief. Gaan jy een van My dissipels wees?

Roy aan die woord: Yeshua het my ingelig dat Hy wil hê almal moet leer hoe om gereeld individuele Goue Vergaderings te hou. Dit beteken egter nie ‘n man en vrou kan dit nie saam doen nie.

Daar moet drie plekke gevestig word, hetsy in een vertrek of deur in verskillende vertrekke rond te beweeg. Ons weet van mense wat alles in een vertrek doen deur bloot van een punt na ‘n ander in dieselfde vertrek te beweeg. Al hierdie dinge behoort vooraf deur die individu bepaal te word. Ons sal nommergewys oor hierdie drie punte praat:

Die protokol volg dieselfde patroon as die tempeluitleg.

1. Die Voorhof met die Waskom daarin;
2. Die Heilige Plek waar die Reukofferaltaar was.
3. Die Allerheiligste waar die priester fisies in YHWH inbeweeg het – eenmaal ‘n jaar.

Elke persoon behoort ‘n notaboek te hê sodat hy/sy ‘n aaneenlopende rekord kan hou. Maak seker elke byeenkoms word gedateer.

**ONTHOU:** Yeshua het gesê dat niemand die Koninkryk kan ingaan tensy hulle soos klein kindertjies word nie!

Eerstens word skoene uitgetrek as jy enige aanhet (eerbied en respek). Tweedens word **simbolies** by die waskom gewas soos wat die priesters moes was in die destydse tempel en tabernakel. Dus ‘was’ ons ons hele liggaam in Yeshua se bloed in die *onsigbare* waskom. Jy dank Yeshua saggies vir Sy bloed en verklaar dat jy alle dade van ongeregtigheid van jou afwas. Was veral jou oë en jou regteroor sodat hulle kan sien en hoor wat Yeshua jou wil wys en vir jou wil sê. Deur jou hele liggaam simbolies te was is ‘n daad van geloof in die fisiese, maar dit doen werklike dinge in die geesteryk. (Yeshua het gesê die simboliese was by die Waskom help om die vyand uit te hou! Dit reinig ons ook sodat ons in Hom kan inbeweeg tydens die stilte stap bietjie later.)

## ‘n Woord van Yeshua op Vrydag, 17 Mei 2013:

*Dag vir dag, een dag na die ander: Daaglikse gehoorsaamheid totdat die dissipel na vore kom. Gehoorsaamheid en stilte is sleutels. Hoor My stem in die stilte. Doen wat Ek sê. Glo, sodat julle My kan hoor. Ek IS ‘n werklikheid. Ek bestaan, twyfel nie! Hoe meer geloof julle het, hoe makliker word dit om My te hoor. Was altyd by die Waskom. Hou die vyand uit. Môre is nog ‘n dag. Bly naby My vandag. Luister vir My stem regdeur die dag. Soek My in gebed. Julle sal My vind. Ek IS altyd met julle.*

By die waskom (die tweede stap) is jy reeds besig om op Yeshua te fokus en alles word verder in stilte gedoen. Almal moet gedurende hierdie tyd luister vir ingeval Yeshua reeds by die waskom iets wil sê.

Nadat klaar gewas is in die **Voorhof** by (1) die **WASKOM**, beweeg almal stil na die **Heilige Plek**. (Onthou, luister die heelyd.) Hierdie is ook waar (2) **STILTE** gevestig word, eenvoudig deur ‘n vaste sirkel te vorm en stil te wees. (Sien voorstelling op volgende bladsy.) Dit is ook waar Yeshua vir Roy gewys het dat Hy ons vertroetel en ons moet Hom in stilte terug liefhê. (Een keer het Hy vir Roy tydens so ‘n tyd ‘n visioen gegee van ‘n man en vrou in ‘n liefdevolle omhelsing, om hierdie oomblik te laat verstaan.) Na die vestiging van stilte, offer ons die stilte op aan Yeshua. Dit het te doen met die **Reukofferaltaar**. Onthou dat Yeshua gesê het die stilte is die reukwerk. Dit is wat ons kan produseer om vir Hom te gee. Sodra die sirkel dan na ‘n ruk opbreek, hef almal hande op en die reukwerk (stilte) word aan Yeshua geoffer. Ons stel voor dat ‘n persoon die palms van sy hande omhoog hou. (In ‘n korporatiewe byeenkoms het Yeshua vir Roy hulle al bedank vir die offer van stilte aan Hom.) Hierdie stap is noodsaaklik om in Yeshua in te beweeg, gesimboliseer deur die priester wat verby die Reukofferaltaar moes beweeg om in die **Allerheiligste** te kon ingaan.

Nadat stilte geoffer is, beweeg hulle na (3) die **Allerheiligste**. Almal behoort te sit met pen en papier om neer te skryf wat hulle sien en hoor. Stilte is ‘n Sleutel – onthou Yeshua het aan Roy gesê Hy is in die stilte. As Yeshua sê daar moet beweging plaasvind, doen dit dadelik en beweeg dadelik terug na jul sitplekke en die stilte. ‘n Eenvoudige aksie mag Yeshua wees wat die persoon aansê om sy/haar hande ‘n sekere hoeveelheid kere te klap. Wanneer Yeshua hierdie tipe dinge doen is Hy besig om ons gehoorsaamheid te leer en dit is ook geestelike oorlogvoering.

Yeshua mag dalk vir ‘n tydperk nie dat iemand iets tydens die byeenkoms doen nie, dit hang alles van Hom af. Soms sal Yeshua met familie situasies deel, of met ‘n persoon self, of ‘n woord gee vir die liggaam van Yeshua, ens. Hierdie is alles die reiniging deur Yeshua en die intimiteit wat Hy van elke persoon verlang.

Wanneer 'n persoon klaar van Yeshua af ontvang het (mag Yeshua aandui op een of ander manier dat die vergadering verby is), dan moet daar met eerbied en respek terugbeweeg word na posisie nommer een. Daardie deel van die vergadering is verby. As dit 'n man en sy vrou of meer as een ander persoon is wat die byeenkoms gehou het, behoort bespreek te word wat elkeen ontvang het, terwyl daar altyd daarvan rekord gehou word.

Yeshua het gesê dit verg oefening om dit te doen. Onthou om nie 'n agenda by hierdie vergaderings in te neem nie. Yeshua het die agenda. Yeshua het openbaar dat Hy wil hê almal moet stil word voor Hom op hierdie wyse. Op hierdie manier onderrig Hy ons sodat ons sy stem sal kan hoor en sal kan sien (visioene) wanneer Hy ons waarsku oor dinge wat kom in die toekoms. (Onthou, Yeshua het elke oggend met Adam vergader vir geselskap en om raad te gee.) Om te weet hoe om hierdie dinge te doen, sal 'n gerusstellende seën wees tydens die chaos wat in die toekoms voorlê.

**'n Woord deur Yeshua 29 Mei 2013:** *Nou is die tyd om ernstig te raak. Julle weet hoe om te doen wat nodig is. Gehoorsaamheid, Stilte, Geloof. Ek soek die getroues, die gehoorsames. Glo. My wil sal manifesteer. Kom en wees deel van wat Ek doen.*

Roy sê dat wanneer hy lering bring oor die Goue Vergaderings, word die drie stappe voor die mense op die verhoog opgestel en elkeen afsonderlik verduidelik. Een of meer individue word dan na vore geroep en die aksies word met hulle deurgewerk voor die mense. Die doel is om hulle te laat ontspan en te besef hoe eenvoudig dit is om Goue Vergadering te hou. Sommige mag aanvanklik nie veel van Yeshua ontvang nie en ander mag meer ontvang. Dit verg in elke geval oefening.

Wanneer hierdie gedoen word in 'n korporatiewe groep is die manier op die prentjie langsaan waarop die mense 'n sirkel in die *Heilige Plek* moet vorm.



Groepe mense behoort 'n sentrale argief te hê, bestaande uit inligting van mense wat as individue vergaderings met Yeshua hou.



## Oordeelsvergaderings – Kroon Yeshua as KONING!

'n Bietjie agtergrond: Toe Yeshua aanvanklik vir Roy en sy groep in 'n skuur laat saamkom het, het hulle daar afgekom op 'n 1x2 meter vel laaghout met 'n skildery van Yeshua wat 'n kroon dra. Yeshua het begin om hulle lering te gee oor Hom as Koning en dat hulle nie geweet het hoe om Hom as Koning te behandel nie. Hulle het hierdie prent toe so geplaas dat mense wat die gebou binnekom vir Yeshua sou sien. Hulle het 'n verskeidenheid verskillende denominasies onder hulle gehad, dus het hy verstaan dat die kerk oor die algemeen nie weet hoe om Yeshua as hulle Koning te behandel nie. Roy sê dat hyself vir seker nie geweet het nie!

Deur die jare het Yeshua hulle geleer om “Oordeelsvergaderings” te hou, waartydens mense vrae aan Hom stel in koeverte sonder dat die mense weet watter vraag is in watter koevert. Om die antwoorde te hoor sonder om die vrae te ken, verhoed ons eie siele om in te meng met 'n duidelike aantekening van Sy antwoorde.

Op **16 Desember 2012** het Roy aan Yeshua die volgende vraag gevra, met betrekking tot die toevoeging van meer mense (deur die internet) om hulle oordeelsvrae saam met hulle as 'n bediening te doen:

**“YESHUA, moet ek met die groep praat oor die doen van die webwerf se oordeelskoeverte oor bedieningsvrae?”**

Hier is die antwoorde wat Roy hulle ontvang het (via verskeie mense) op sy vraag:


**Persoon A - "Berei voor; salwing; My Profeet; waardig; aanstelling."**

(Yeshua het openbaar dat hulle moet voorberei om dit te doen.)

**Persoon B – Visioen:** Hierdie persoon was voor die Troon van Yeshua en het oordele sien afvloeï, solied soos water wat vloei en dit was so wyd voor die Troon dat dit verby sy sig was. Hy het ook die woorde **"skoon lei"** ontvang.

(Hier is 'n skets van wat hy gesien het en Roy sê dat hulle uit eie ondervinding geleer het dat oordeelsvrae instrumenteel is in die manifestering van “skoon leie” [clean slates].)






**Persoon C – Visioen:** Sien 'n regterhand wat iets iewers afstof.

**Persoon D** – Yeshua het haar, haar hande in die lug laat hou asof sy iets opvang sodat niks verlore gaan nie. "ontvang My beker; vloei oor; vir julle"

(Wat sy ontvang het, stem absoluut ooreen met wat Persoon B gesien het en uitgebeeld word in die skets)

Roy sê dat hulle voorheen *Oordeels Vergaderings* gehad het na feitlik elke gewone Goue Byeenkoms. Hy het nie geweet nie, maar Yeshua was op die punt om hom 'n ongelooflike visioen te laat kry om Sy punt te staaf oor die maak van Hom as Koning. Drie dae nadat Roy bogenoemde vraag gevra het, het hulle 'n *Oordeelsbyeenkoms* gehad.

**19 Desember 2012**



“Ek was skielik in ’n soort Troonkamer, nie vir ’n flits van ’n oomblik nie, maar vir ’n tydperk. Ek kon ’n bietjie rondkyk, alles vir Yeshua se doelwit. Om jou perspektief te gee: ek was hoër as die lede voor my, wie se koppe sowat gordelhoogte teenoor my was. Die gedeelte van die vloer wat ek gesien het, was bedek met ’n ryk, dieprooi tapyt, wat ek noem verbondsrooi. Let daarop dat hierdie vertrek wyer was as die pilare en ek weet nie of die tapyt gestrek het tot by die pilare of nie. Almal van ons wat by die byeenkoms was, was fisies op die gewone plekke vir *Oordeelsvergaderings*. In hierdie toneel egter, was lede sowat agt meter vanmekaar, in lyn soos ons gewoonlik is (soos aangetoon op die illustrasie). Die pilare op die buiterand van wat ek gesien het, het gelyk soos glas, wat suiwer goud beteken. Dit was ’n groot vertrek, baie langer as wat dit wyd was. Die enigste fisiese ding van hierdie wêreld wat ek gesien het, was die eiland voor my waar ons die vrae voor Yeshua gelê het. Ek het nie myself gesien nie, maar die ander mense in hierdie byeenkoms het ’n soort kleed aangehad. Ek is nie seker van die kleur nie. Voor ons was ’n verhoog, ’n platvorm, omtrent een tot twee meter hoog en wat ook bedek was met ’n ryk, dieprooi tapyt. Dit was waar Yeshua gestaan het, Hy was nie sittende op ’n troon nie. As daar wel ’n troon was, kon ek dit nie agter Hom sien nie. Dit het voorgekom asof daar baie ruimte agter Yeshua was. Yeshua het ’n spierwit koningsgewaad aangehad, met blykbaar wit pels of iets anders as ’n wye tooisel.

Volgens die voorkoms daarvan kon die gewaad suiwer goud op of in dit gehad het. Hy het 'n manjifieke kroon van glas gedra, wat beteken dat dit suiwer goud was, met diamante daarop. In sy regterhand was 'n herderstaf. Hy kon dalk meer in sy hande gehad het. Ek het Yeshua reeds tevore in die hemel gesien, en het Hom meer as een keer sien ween oor wat Hy in die Eindtyd moet doen, maar hierdie was die enigste keer wat ek Hom 'n kroon sien dra het. Ek kan nie uitgepraat raak oor sy skitterende voorkoms of dié van sy kroon nie!

Yeshua het hierdie dinge vertoon sodat ons groep kon besef hoe belangrik *Oordeelsvergaderings* is. Ek het nie emosioneel geraak by die aanskoue van ons skitterende Koning nie, maar ek was geïnspireerd, gefassineerd en die toneel was ver verby ontsagwekkend. Ek het egter geneig gevoel om emosioneel te raak toe ek na die rûe van ons groep gekyk het, wat as individue voor Hom gestaan het. My Hemelkoning! Hierdie was 'n *Oordeelsbyeenkoms* – wat 'n eer vir ons om daarin te wees!

Yeshua se kroon was langer en wyer as enige wat ek nog ooit gesien het. Die ribgedeeltes oor die bokant was omtrent 2,5cm wyd en daar was heelwat van hulle, elkeen met diamante elke 10cm. Die kroon het lig gelyk. Die hoofband was smal en ek glo nie dit het enige punte gehad nie. Dit was 'n vleklose kroon.

Om die kroning van Yeshua as Koning op aarde te sien, was 'n ontsagwekkende, onbeskryflike toneel. Ek het besef dat Yeshua in die hemel deur aksies gekroon was, maar dat Hy nog nooit op aarde as Koning gekroon is deur menslike aksies nie, tot nou. Ons as mense kan verklaar dat Hy Koning van ons lewens is en Hom so noem, maar dit is net woorde. Yeshua het eenkeer gesê: **“Ek wil nie julle lippediens hê nie!”** Hy wil hê ons daad moet ons woorde vergesel. Dus vir ons om Hom te kroon as Koning, moet ons Hom Koning maak van ons bedienings en ons lewens – deur na Hom toe te gaan vir raad en rigting in enige situasie. Dit is wat die Bruid doen! Dit is Yeshua se eie bediening op aarde, hoe anders kan ons die besonderhede ken? Daarom het Hy aan ons protokol gegee vir *oordeelsvergaderings* met Hom as Koning.

## **Byeenkoms 19 Desember 2014**

Die Heilige Plek – Yeshua het gesê: **“Die beoefening van protokol voor 'n koning is nie godsdiens nie.”** Die beoefening is slegs **“eer aan 'n Koning”**. Die hou van *Oordeelsvergaderings* is nie moeilik nie en Yeshua het openbaar dat dit selfs om 'n piekniektafel in 'n park gedoen kan word. Dus kan ons sien dat dit enige plek gehou kan word; ons moet slegs die basiese dinge en die protokolle ken.

Het jy geweet dat daar in die tempel 'n protokol was vir die priesters om te volg wanneer vrae gevra is aan YHWH? Ek ken nie al die protokol nie, maar daar was byvoorbeeld die edelstene van die twaalf stamme aan die hoëpriester se kleed. Ook was daar twee items (Urim en Thummim) wat op een of ander

wyse 'n "ja" of "nee" aangedui het wanneer die priester 'n vraag gevra het. Hieruit weet ons dat YHWH dinge beheer het. Dit is nodig dat ons nou veel meer vrae aan Yeshua stel, sodat ons meer sekuur op Sy pad vir ons kan bly. Juis om hierdie spesifieke rede het Yeshua vir 'n lang tydperk ons aangesê om te **"VRA, VRA, VRA!"** Ons kan nie sommer net aanneem wat dit is wat Hy wil hê nie, ons moet Hom VRA!

Hier is 'n eenvoudige voorbeeld waarom Oordeelsvrae nodig is: Jare gelede het ons begin om boeke oorsee te laat vertaal. Mense sou vra of hulle mag vertaal en ons het Yeshua genader terwyl ons besluit het, in plaas van vóór ons besluit het. Ons het sekere flaters gehad deur sekere boeke te laat vertaal om agterna uit te vind die vertaler kon om een of ander rede nie korrek vertaal nie. So het ons dan geleer om Yeshua te raadpleeg deur Oordeelskoeverte, daar ons begin besef het dat Yeshua die enigste Een is wat weet of iemand reg kan vertaal.

Daar is dus die algemene patroon wat ons nou gebruik om boeke vertaal te kry deur die gebruik van Oordeelsvrae: 1. Ons vra Yeshua of die persoon korrek kan vertaal. 2. As die antwoord bevestigend is, vra ons Yeshua of ons van die persoon gebruik mag maak daarvoor. 3. As daardie antwoord ook bevestigend is, laat ons die persoon vertaal. 4. Sodra die vertaling voltooi is, vra ons Yeshua of die vertaling korrek is. 5. As Yeshua "Ja" antwoord, gaan ons voort om die vertaling te gebruik soos Yeshua ons lei. Sou Yeshua ons aansê om iets te doen, behoort ons Hom te vra hoe en waar. **Dit maak Hom Koning deur dade, nie net lippediens.** Dit verg aksie van ons kant om werklik ons Heer Koning te laat wees oor ons lewens en bedienings!

## **Kitsgids vir 'n "Oordeelsvergadering"**

**Openb. 5:10** ...en het ons konings en priesters vir onse God gemaak, en ons sal as konings op die aarde heers.

Yeshua het openbaar hoe belangrik "Oordeelsvergaderings" is en dit is waarom ons dit op die webwerf sit sodat mense dit kan begin beoefen.

### **Wat is 'n oordeelsvergadering?**

**Dit is die stel van vrae aan Yeshua oor enige onderwerpe  
waaroor Hy namens ons behoort te besluit.**

Die Oordeelsvergadering is iets om na uit te sien. Die doel is om te leer en te groei in die protokol wat nodig is om ontvanklik te wees vir **"Suiwer Besluite"** wat nie beïnvloed is deur ons eie siele of Python nie. Op hierdie manier sal jy aan die gang kom om die nodige protokol te leer ken om voor Yeshua te verskyn as priester en as Sy Bruid. Met oefening sal verfyning kom en sal jy die begeertes van ons Hemelkoning oor ons doen en late sien. Die Oordeelsvergadering is 'n

eenvoudige manier waarop jy kan begin beweeg na daardie doelwit. Hier onder volg 'n eenvoudige plan hoe mense kan begin om vrae aan Yeshua te stel. **(Wees altyd eerbiedig en ordelik, met jou skoene uitgetrek.)**

Eerstens moet elke vraag op papier neergeskryf en in 'n koevert gesit word; een vraag per koevert. Die koeverte moet almal eenders lyk, met groot syfers op die een kant geskryf. Daar behoort ten minste drie of meer koeverte te wees en wat dan geskommel word – die syfers verberg aan die onderkant. (Niemand behoort te weet, of te wil weet watter vraag in watter koevert is nie.)

Die vrae in die koeverte kan oor enige iets wees: 'n e-pos versoek, 'n persoon, 'n situasie, goedkeuring van 'n optrede – enige iets waarvoor Yeshua behoort te besluit in plaas van ons. Nou is jy gereed om te begin. Hier is 'n paar stappe om te volg. (Sien die volgende soos in 'n prent.)

1. Elkeen teenwoordig moet 'n persoonlike vel papier of aantekeningboek hê. Dit is vir die neerskryf van Yeshua se antwoorde wat ontvang word.
2. Vorm in stilte 'n sirkel – dit is nes die Goue Vergadering atmosfeer. Was jouself simbolies by die waskom in Yeshua se Bloed. Hoe anders kan ons skoon voor Hom staan? Sê dinge soos: “Reinig ons ore, Yeshua, sodat ons kan hoor”; “Reinig ons oë dat ons kan sien”; “Reinig ons dat ons voor U mag staan vir U oordele!” **Vestig dan stilte tesame as 'n groep.**
3. Een persoon uit die groep sal die houer met die koeverte na Yeshua uithou en sê: **“Yeshua, ons bied die inhoud van hierdie koeverte aan U vir U besluite!”** Die houer met koeverte word dan op 'n geskikte plek geplaas vir die persoon wat hulle aan Yeshua uitgehou het, om die koeverte een vir een op te tel soos die groep deur hulle werk.
4. Daardie selfde persoon vat die boonste koevert en almal in die groep vat dit ook vas. (As die groep te groot is vir almal om aan die koevert vas te hou, plaas die koevert waar almal dit kan sien.) Wag in stilte vir Yeshua. Almal moet ontspan en **luister** – sommige sal woorde en ander tonele ontvang. Dit maak oop vir wat Yeshua wil sê en weerhou ons eie siel daarvan om ons te beïnvloed. Soos elke persoon klaar van Yeshua af ontvang het, los hy/sy die koevert totdat net die eerste persoon oorbly daarmee. (As jou groep te groot was vir almal om die koevert vas te hou, kan jy 'n ander metode gebruik om te sien wanneer almal klaar is.) Onthou: Almal moet neerskryf wat hulle ontvang het. Dier velle of boekies word agterna ingesamel.
5. Die persoon wat die koevert hou, draai dan die koevert om en vertoon so die koevert se nommer, sodat elke persoon wat iets ontvang het, die nommer kan aanteken en langsaan die inligting wat hy/sy ontvang het.

Name moet, in die geval van los velle papier, aangebring word vir die identifisering van informasie wat van Yeshua af ontvang is.

Beskrywings moet baie deeglik gedoen word, want detail is baie belangrik. Enige woorde wat ontvang is, moet presies neergeskryf word soos dit op daardie stadium ontvang is.

6. Herhaal stappe 3 en 4 vir elke oorblywende koevert. Onthou om altyd eerbiedig en ordelik te wees.
7. Alle koeverte word in die houer teruggesit en die persoon (skriba) in beheer van die houer moet die agterna-vergadering lei waar elkeen meedeel wat Yeshua aan hom/haar deurgegee het vir elke koevert.
8. Ons sit in stilte by hierdie vergadering. Die skriba noem die nommer van die eerste koevert en elkeen vertel beurtelings wat hy/sy ontvang het. Meer detail kan hier deurgegee word deur elke persoon wat iets ontvang het. **Nadat Yeshua se Oordeel aangeteken is, maak die skriba die koevert oop en lees die vraag voor. Dit verbind Yeshua se antwoord met die vraag. Bespreking en 'n bietjie oordeel mag nodig wees, maar hou dit eerbiedig en ordelik, versigtig om nie in die vleeslike te beland nie.** Hierdie is 'n tyd waar Yeshua dalk instruksies gegee het om vir iemand oorlogvoering te doen. Jy moet dit hier op 'n ordelike manier doen. Soms (hiertydens) vra ons vir meer beligting van Yeshua se antwoorde.
9. Al hierdie is 'n leerproses wat oefening verg. Moenie ontsteld raak wanneer foute gemaak word nie; Yeshua sal julle daardeur lei.
10. Herhaal stap 7 vir elke oorblywende koevert.
11. Alle informasie behoort permanent aangeteken te word vir toekomstige gebruik, verkieslik op rekenaar en op papier tesame. 'n Rekenaar maak dit moontlik om later inligting te deursoek of te herwin. Die skriba doen dit – dit is 'n groot taak!

(Onthou: Yeshua het gesê Oordeelsvergaderings kan selfs rondom 'n piekniektafel gehou word.)

Die hoof elemente is:

1. Was. 2. Stilte. 3. Skommeling van twee of meer koeverte tesame terwyl niemand weet wat in die koeverte is nie. 4. Voorlegging van die koeverte aan Yeshua vir Sy oordele. 5. Hantering van die koeverte een vir een, met navraag by Yeshua oor elk. 6. Aantekening van die resultate. (Ander beginsels kan aangepas word by verskillende situasies!)

Indien jy 'n groter groep het, kan jy dit oorweeg om twee rye te vorm wat noord kyk, soos in die Oordeelsvergadering prentjie. Op hierdie wyse kyk mense noord wanneer navraag by Yeshua gedoen word en hulle draai na die koevert toe wanneer hul klaar informasie ontvang het, sodat almal kan sien hulle het klaar. Dit werk goed vir Roy-hulle.

**Yeshua het gesê Roy-hulle moet oefen, oefen, oefen.**

Vir meer insig in Goue Vergaderings en wat Yeshua verlang, sien die informasie by: *“Ek het die Allerheiligste gesien”-boekie.*



**Kroon Yeshua as Koning met Aksies!**